

SINULO, KAUHANYO YABUNE

KALULO YA II

 Ki tabo hahulu kuba mwahali hape kakusasana cwana. Ne ni sweli fela kunahana ka za mbundu ye . . . Cwale, kambe ki mwa Colorado, mbundu ye ikona kuba ye bunolo mi yebubebe, mane mwendi ne ku ka bata kuba mashumi amane mwatasi a noto silami sateni, mi ne mu ka, *phew*, kufuta sina cwalo, ni kuya kufita mwa liluli. Mi ne ku ka ba ona cwalo maliba kaufela. Kono cwale, haili kwanu, mwahali mo . . . kuna ni obata, mwahala libaka ze, cwale ku kolobole mi kwa telela ni kuhazela maswe, mi—mi ku bonahala fela kuli Ni—Ni lakaza kuli kambe Ni ka fufela fela, kwa Arizona, ni kulibelela kufitela nako ya litabula i taha mi kipeto ni kukuta.

² Cwalo kona mo lu bezi kaufela ni sihotolwa litomapa, likokwani za matuku ni lika zeñwi cwale lifumaneha felafafasi mwa mubu mi aka kangela ni kushengunuka, ni ku kangela ni kushengunuka. Mi kipeto a taha mi lwa a buyela, mi luba ni litombo fa mumizo, kuopa toho, ni kuopa mwa masapo ni kulenga. Mi, mawi, mawi, ki nako ye cwani, ki sibaka se sicwañi.

Kono kuna ni naha mwabuse bwa nuka,
Ye ba biza bunde kamita,
Mi lu fita fela fa likamba lani ka ka pulelo ya
tumelo;
Alimuñwi ka alimuñwi lu mwa munyako wa
sibaka sani,
Teñi lu yo pila ni baba sa shwi,
Zazi leliñwi ba ka liza milangu ya gauda yani
ku wena ni na.

³ Kwani kona ko luya kwa Hae ku yo ina kanti, nji cwani? Lani kona lizazi le lu libelela.

⁴ Cwale, maabani busihu Ne ni ikozi likutazo zende zani ni lika zene Ni utwile kuzwa kwa mizwale yaka. Ukai Pat Tyler, kana uteni kakusasana cwana? Pat, oh, Ne ni si ka kubona uinzi foo uiketile youkima hande mwa bupilo bo butiile. Mi—mi Ne—Ne ni si ka kubona ha uinzi foo. Nako yapili ha Ni kile na utwa Pat . . . na utwa Pat ha bulela; Ne ni ikozi zona luli, Na sepa kaufela luna ne lu ikozi.

⁵ Mi cwale muzwale yomunyinyani yana file bupaki bobu buhali mo sani luli ne si utwahala inge tobolo yetuna ye ne kunupa. Muzwale yomuñwi, Ne ni mu katani, kuzwa kwa Ohio. Kana uteni mo kakusasana cwana? Uteni mo kokuñwi? Muzwale Neville na bulezi ka yena kakuba yakona ku akufa ha bulela.

⁶ Mi Muzwale J. T. Parnell. Mi—mi Ni sepa kuli na si ka fita ku Muzwale Beeler. Mi kana, Muzwale Parnell uteni mo nji? Muzwale Parnell, Muzwale Beeler? Ha ni zibi hande, Ni hupuzi kuli Ni boni Muzwale Beeler.

⁷ Maseli aa, se ki . . . Ha ba ka yaha tabernakele yenca, Ni sepa kuli ba ka iyaha ka kushutana, ka kushutana nyana. Ye kona yaluna yapili, ya kuitutela fateni. Mi kacwalo lu sa ba fela yenca, kupalañi, lu bata kuli i shutane nyana ku ye; hamuboni; Ni tabela kuli tabernakele iyahiwe ka kukuta mwatasi sina *cwana*, kwa sicaba. Utalimela hande mwahala sicaba sa hao ka nako kaufela. Mi cwale sihulu mwa mikopano ya temuhu, mwakona fela ku zamaya cwalo. Mwabona, ku ba bisa cwalo sina cwana, kwa mulaho ni kwa pata. Mi cwale, ni ha mu lukela kuba ni sibaka sa malibela a matelele cwalo, ku lukile.

⁸ Muzwale Littlefield, haiba Billy uteni mo, na ni lizelize maabani busihu mi usweli kuluma maswaniso a tabernakele yene Ni neezwi kwani, yeo bayahi . . . Muzwale Wood, ne i tula, Na sepa, faifi handeleti dollar ka muyahi kuli a i swanise. Mi u—u lumeleza zeo ka teko ni lika kaufela za libyana kaufela mi zepeli-ka-zene ni bukana-ka-bukana kaufela ze lumeliana ni zona. Mi u ka lu lumela zona, mi ubata kutaha; mi ali u ka ya kwa sikhata sa ba mabala ni likota ni zeñwi cwalo abone haiba hakoni ku ba eza inge—inge kupumiwa sina mo ne ba ezelize ku za hae. Ki tabernakele yende luli, ha ki yetuna hahulu, kono ki ye yahilwe hakalo.

⁹ Kacwalo Na mu bulelela, Na li, “Ni—Ni kafa zeo kwa basepahali ni madikoni u sa luma fela ku Billy mi—mi kipeto lu ka ba lumeleza kubona swanelo yateni mo ba lukela kubela ni yona kukala muyaho wa bona.”

¹⁰ Ki hali, “Ha mu ka eza cwalo, Ni ka taha, ni to apala ma obolosi aka ni kuina ni mina ka nako yeo.” Muzwale Littlefield ki muuna wa makeke hahulu, muuna ya sishemo, yomunde luli.

¹¹ Cwale, kana kaufela mina mwa ikutwa hande ka zona, ka kukala Mwaha Omunca cwale? Amen! Kifoo hamukene mwa Silimo Sesinca. Lu bata ku kalisa ka swanelo, ku sebeleza Mulena. Ki babakai bene ba zuhile kakusasana kacenu ni ku Mu lumba ka mwaha wa kale ni seo kaufela utalusize, ni ku Mu kupa ku, “Libala za kwa mulaho”? Kona, mo lu ezelize ha lu zuha fa mumbeta, mi ni kutaha kwa tafule ni ko kubanga aletare nyana ya lubasi, ba kopanelanga kwa tafule mi ba lapela.

¹² Mi kaewalo kamita lu lika kuezanga kuba mukwa wa kulapela busihu lu si ka ya kale kwa kulobala. Ni ezanga ona cwalo, kuli, kuzwa ha Ni mano baka pili. Kuzuha kakusasana, mi ku unsufezi hahulu mane ni mbundu yetuna hahulu kuli ni zamaye, Hani—Hani zibi ko Ni ya. Kono ha Ni Mu kupa fela kuswala lizoho laka ni ku ni zamaisa mwa musihali wa lizazi lani.

¹³ Mi Na hupula, ona mwa mukwakwa mo, hane Ni sali fela mucaha, Billy Paul nali wa myaha yemilalu ya kupepwa, kamba yene, mi ne lupila fela mwabuse bwa mukwakwa. Mi busihu bobuñwi na bata mezi a kunwa, mi na zwa mwa situngu, mukope noli mwa hemele. Mi se Nili... Oh, Ne ni katezi luli, Ne ni sebelize katata musihali kaufela mi na kutaza licika la busihu. Mi—mi ki hali, “Tate, Ni—Ni bata mezi a kunwa.”

¹⁴ Mi se Nili, “Billy, zamaya fela ukene mwa situngu, ainzi fa tafule ye nyinyani.” Na bulela...

¹⁵ Ayema, aitiinya mwa meeto, mi atalima kwani, mi ali, “Tate, Na saba kuya.” Mwabona?

¹⁶ Mi se Nili, “Kihande, zeo ki... kaufela li lukile.” Se nili, “Zwelapili fela, mulatiwa, mi u yo nwa. Bo ndate ba katezi hahulu.” Fa kaufi fela, mwendi inge fa lihaulou lani.

Mi kiha—kiha li, “Kono Na saba kuya, tate.” Mwabona?

¹⁷ Kihande, Na yema ni mushimani yani. Mi na yo mu swala fa lizoho, mi neli nto yende; ne lu si ka zamaya neba mihato yemine kamba iketalioho a hata fa lisila la na yalile Meda fasasi, neli siemba sa museme wafa bulilo, mi mwa ziba mo liinezi zeo. Mi a i cuncula fela, kono Ne na swela lizoho la hae, mi a fwañata lizoho laka katata. Mi Na yema fani hanyinyani, mi Na hupula kuli, “Mulimu, kona ona cwalo.” Mwabona? “Hani lati kuba ni muhato ulimuñwi kusina Wena kuli uswale lizoho laka, kakuli Hani zibi kuli Ni ka be ni telela.” Mwa bona? “Mi haibile fela Ni kona ku utwa lizoho la Hao lelituna, leli mata li ni swala, Ni ziba kuli Uka ni swala mwa linako zaka...” Mwabona?

¹⁸ Kacwalo Ni lika kueza mukwa o cwalo, kuli—kuli ni beye lizoho la ka ku la Hae. Mi fokuñwi Ni ezize lika ze bonahala bukuba neba mwa meto aka, lika ze bonahala ku sa ba mwa zibo ya minahano ya batu; kono haiba lu li tuhela fela, Ni fumana kuli ikona kuba yona nto inosi fela yene ka ezahala ye lukile.

¹⁹ Mwa ziba, lika ze sa bonahali bunde fa, haiba Mulimu aku isa ku zona, likaba hande ona fa kokuñwi, mwa bona, kakuli Wa ziba mwa ku zamaiseza. Kacwalo, ka kubona kuli Yena ki muhau wa luna kaufela o lu swanelu, mi kaufela ze lutokwa kamba ze lu tokomela li ku Yena, konakuli halu beyen'i kwatuko lika zeñwi kaufela Hae ni kuswala lizoho la Mulimu le li sa fetuhi.

²⁰ Ne lu opelanga pina yeñwi mo, Ha ni si ka i utwa kale ha i opela fa nako yetelele. Cwale, Hani koni kuopela mi kuna ni... Hani sepi kuli kuna ni baenyi babali ni luna. Kacwalo Na... Kona ha Ni likanga lipina zenyinyani ze, mwa ziba, kakuli Na li lata fela. Mi Gene, haiba utuhelela se kukena mwa tepu yani kwa sicaba! Ne lu opelanga pina nyana fa:

Nako itezi fela licinceho ze bubebe,
 Hakuna za lifasi le zekona kuyema.
 Toma sepo ya hao fa lika za Kuyakuile,
 Swala lizoho la Mulimu le li sa cinci!

Ki babakai babakile ba utwa fateni pina yeo? Oh, Na i lata,
 nji cwani? Halu likeni timana ya yona:

Swala lizoho la Mulimu le li sa cinci!
 Swala lizoho la Mulimu le li sa cinci!
 Toma sepo ya hao fa lika za Kuyakuile,
 Swala lizoho la Mulimu le li sa cinci!

Ha lu likeni timana:

Mi musipili waluna ha ufela,
 Mi ku Mulimu lubile ni niti,
 Bunde ni busweu bwa ndu ya hao mwa Kanya,
 Moyo wa hao o ngilwe uka i buha!

Swala lizoho la Mulimu le li sa cinci!
 Swala lizoho la Mulimu le li sa cinci!
 Toma sepo ya hao fa lika za Kuyakuile,
 Swala lizoho la Mulimu le li sa cinci!

²¹ Halu yemeñi cwale fa muzuzu fela kwa tapelo, haiba mwa kona, halunze lu nanulela leliñwi la mazoho a luna ku Mulimu ni kuopela hape kuli:

Swala lizoho la Mulimu le li sa cinci!
 Swala lizoho la Mulimu le li sa cinci!
 Toma sepo ya hao fa lika za Kuyakuile,
 Swala lizoho la Mulimu le li sa cinci!

Usike wa ikumbuta sifumu sa lifasi le ki mbango,
 Se si bola kapili,
 Toma sepo ya hao fa lika za Kuyakuile,
 Sona hasina ku fela!

²² Ndate yakwa Lihalimu, halunze lu yema, Mulena, lu lata fela kuopela lipina za kale zani, likenanga mwatasi mwa butungi bwa liemba za mwahala lipilu za luna ni kutisa ponahazo ya lilato la luna ku Wena, wena Mulimu yapila. Mi halunze lu nanula mazoho a luna, Mulena, kakusasana cwana, neli kupuzo yenyinyani yakuli "Swala mazoho a luna, Mulena." Sina hane Ni bulela ka za Billy Paul, mwa na swalezi lizoho la ka kuhumalela, na ka wa kambe ne Ni si ka mu swala. Mi, O Mulimu, ki linako zekai hane luka wa kambe No si ka swala lizoho la luna! Ka ku nahana kuli yena, asina mahe, sina mbututu yomunyinyani...ni kuli mane...kutaha mwatasi a bupilo cwalo, kuli linzila za na zamaile, na ka be abulailwe kale kale, kono nekuna ni Lizoho lelituna lene li fitile fo ne ni palelwa kufita, mi la mu swala. Cwale, lu itumezi hahulu ka seo.

²³ Ki tabo luli kuziba, Mulena, kuli ha lu utwa moyo wa luna u kauhana ni mubili woo, kuli ku sana ni lizoho fo lukona ku nanuha ni kuswala, ku lu libisa kwa nuka. Lwa itumela ku Wena ka lika ze, sepiyo ye, ona sepiyo ye fuyozwi yelunani ye, ili Ankora ya moyo, ye lu beya ka tundamo halunze lu zamaya mwa musipili kamba kusila liabwa lelitata la bupilo.

²⁴ Mi lu lapela, Ndate, kuli sina muloki hana ize, “Mzwale wa mwa manyando, ni sinyehezwi ki sisepe, ka kubona mayemo aluna (fa lisito la sisepe), ku akubona, ku itiisa hape, kamba kuba ni bundume hape ni kulika hape”; kuziba kuli yena Mulimu yamata kaufela, haiba lu sitatala kamba kuwa, lizoho la Hae lelituna liteni ku lu tusa. Muhau wa Hae wa likana.

²⁵ Cwale lwa lapela, Mulimu, kuli luna, kakusasana cwana, lukale Mwaha o Munca hande ka lipina ni kuopela ni kunyakalala, ni kuziba kuli Mulimu uka lu zamaisa mwa musipili wa bupilo ni kusilela mwabuse bwa nuka ya lifu, kukena mwa Naha ya sepiyo yani. Meto a luna atalimile kwabuse bwa Jordani ko kuna ni linuka kakusasana cwana, ili koo masimu a—a limela zende ni masimu a sa melisa lico ze sa kuwi, mi lwa lapela, Mulimu, kuli miyo ya luna i swale pono yani mi isike ya tuhela kuli i cw. Zazi lelinwi haluna ni kutaha fa nuka yani yesilana, kuli, sina Elia wa kale, Kubo ya Mulimu ika nata fa nuka ya lifu mi luka zamaya kusina sabo. Lumeleza cwalo, Mulena.

²⁶ Lu tuse halunze lu atumela Linzwi la Hao. O Mulena, Ni lapela kuli Moya o Kenile wa Hao utoze Linzwi le. Luna kaniti lu taezwi ki mata akukona ku li luta, bakeñisa ku sa ba muluti. Lu ziba kuli nzila fela yelukona kuzibela ka yona ki ya Muluti yomutuna yani kuli atahe atonga sibaka sa Hae—Hae sa ku to yaha mwa lipilu za luna, ni—ni kunyanganyisa mihipulo ya luna mwa nzila ye cwalo (ni milelo ya luna) kufitela lu . . . Alu tolokela Mañolo a Kenile ku luna. Lu itingile fela ku zeo.

²⁷ Mi nahana ka zona, Mulimu, oh, ha ki bunde ni boo kuli Ndate yapila cwalo, yani neli ya . . . kwani kona kupepwa kwa Kuyakuile, ko ku na n kutaha kwa libupiwa za batu ni ku lu tusa, mi atise Linzwi la Hae ni ku Li fa mwa milomo ya luna ni lipilu ni lizebe liliukone ku Li utwa ni kupila, ku lu liulula kwa sikuto se ne lusina sa kueza ni sona hasitaha, Ndate, kakuli ne li ezipwe ka lusika lwa batu mi luna lu bana ba—ba sinawenga sani sa pili. “Mi lu pepezwi mwa sibi, lu bupilwe mwa bumaswe.” Kono Mulimu ya pila uziba kuli nekusina se ne lu ka eza ka sona, kono u lu ezize nzila ya kusaba ka yona ni ku lufa litohonolo la kutaha. Ki tabo cwani yakutaha kwa Ndu ya Ndate!

²⁸ Lwa lapela cwale, kuli U fuyole keleke ya luna mo, Muzwale Neville, yena—yena mulisana wa luna yomunde, mutanga Hao ya ishuwile. Lu lapelela madikoni ba luna ni basepahali, kuli U bafe mwaha o mutuna hahulu oba kaba ni ona. Lumeleza cwalo,

Mulena. Ba fe bupilo bobutelele. Ba tiise, Mulena, ki batanga ba Hao. Mi kamita ha baine ka kutiya mwa sibaka sa musebezi. Fuyola keleke, ma—ma membala, bana ba Hao babande baba tahanga kwa ndu yee. Mulimu, lunga moyo wa mañi ni mañi wa bona ya sila museto o lobezi mwa ndu ye. Lwa Ku kupa, Mulena. Lu tuse kuba bakutazi baba cwalo baba ka tisa Linzwi kuba leli bunolo hahulu mi baba sepahala luli, ka Moya o Kenile, kuli ba be baba tabela kuba sina Wena, Mulena. Lumeleza cwalo. Folisa bakuli ni baba zielehile baba taha. Ni mwahala lifasi kaufela, lumeleza cwalo mwa ndu kaufela ya Mulimu.

²⁹ Mafelelezo, ha U felize, Mulena, ha lu yo kena mwa libaka za Hao, lu ine fa tafule ya kamuhelo ya Mulimu, ni kuca ni kupila hamoho mwahala linako ze safeli. Kufitela nako yeo, lube ni buiketo ni mata, tabo, tabo, mata ni kutiya, ni limbuyoti za Moya o Kenile ku lu zamaisa. Lwa kupa ka Libizo la Jesu. Amen. Mwakona kuina.

³⁰ Na itumela ka mata a mubili omunde wani kakusasana cwana. Kuli . . . Ni keni fela mwahali, ka nako, inge ni ambola ni mulikana ka yomunde, Muzwale Skaggs, ni—ni Muzwale Gene kwa mulaho kwani, ni muzwale yomuñwi fa munyako; kufitela Ni utwa fela siemba sa yona, kono ne li sweli kutaha mwa matapa amande luli.

³¹ Ki ba bakai basweli kaufela musweli kuikola Sinulo? Ku lukile? Ni lumela kuli kuna ni babañata inge musizana waka yomunyinyani, Sarah, kwa mulaho kwani, se ibile “sibaka sesi shimbuluka” ku na, fela ki—ki sibaka fela se si kutakutela. Mwa ziba, Ni lakaza kuli kambe luna ni fela cwale konji ka kweli ya Liatamanyi kamba Lungu, ili fela kubeya fela tende yeetuna kwwa mulaho kwanu kuli lutahange kwanu ni ka nako ya musihali ni kuswanisa maswaniso ani ni zeñwi kaufela, ni ku a nanula fela mwahalimu ni fasasi ni inge mahaulo a ku pukuta, mwa ziba, inge mo Ni bile ni lolelanga kuli nako yeñwi lube ni tabernakele yetuna kokuñwi ko Ni kona kufita fasasi ni ku hoha siswaniso se fasasi, kutaha kusiyandulula fa katala; ka sinulo ni litoloko za ni file Mulena, ni kunga sa kusupisa kukalela fahalimu cwalo ni kutisa masika aa. Mi cwale halu ka feza ni zeo, lu nanula neku le mwahalimu, luhohela sesiñwi fasasi sina *cwana* ni kukala ka sani, ni ku si luta ka shetumuka. Oh, sani sikona kuba fela inge lihalimu nyana, nji cwani? Neba kuina fela maliha kaufela kutala, kuina fela ni Mulena.

³² Ki hande kuba fela ni Yena! Mwa ziba, ne lu opelanga pina kuli, “Kuna ni linako Ni tabela kuba ni nosi fela ni Kreste Mulena ka, Na kona ku Mu bulelela matata aka kaufela ninosi.” Mwabona, yeo kona nzila ya kubela. Neba opelanga kuli, Roy Davis, na opelanga pina nyana kuli, *Kupicukela Kusili ni Kulapela ni Jesu*. Lik a kaufela li supa fela . . . lika kaufela ze mukona ku talima kamita liwela mwa mukoloko wa Jesu Kreste, nji cwani?

³³ Cwale, mwa masika a likeleke e lu bulezi ka zona, mazazi a maungulo a eiti mwa mukopano . . . Mi maabani busihu Ni sepa kuli lu fitile fa timana ya 2 mwa kauhanyo ya 4 ya Sinulo. Mi Ni sepa kuli mina kaufela nemuliteni mo maabani busihu ku-ku to li teeleeza. Mi kacwalo Na . . . mwendi haiba Ninga timana kamba zepeli za yona kakusasana cwana, mi . . . Kamba Mulena mo aka lu zamaiseza kaufela, Ha ni zibi. Ni fitile fa timana ya 6 kamba ya 7 fa, ki tuto nyana fela ye ni ñozi fo Ni kona kukutela mwa liemba ze shutana za Mañolo ni kuhoha lika zani, ni fo ne Ni balile maabani.

³⁴ Mi cwale, lu fumana kuli, fo ne lu siyezi maabani busihu, Na lumela, neli timana ya 2, kukalela fa 3, Na sepa neli yona. Mi ne lu siyezi fa “Linzwi la Tolombita.” Nji ha ki cwalo, “Ku utwahalisa muhuwo wa Linzwi”? Halu boneñi nibale kaufela kuli lukute mwa mulaho cwale:

Hakufelile zeo Na talima, mi, nabona, sikwalo sa kwaluha mwa lihalimu: mi linzwi la pili le Ni utwile neli la tolombita yene ambola ni na; le lili, Taha u pahame, mi Ni ka ku bonisa lika . . . ze swanezi kutaha kasamulaho.

Mi kapili Na ba miwa moyo: mi, amubone, lubona lwa tomiwa mwa lihalimu, mi yomuñwi a inzi fa lubona.

Mi yainzi fa lubona . . . yana inzi na bonahala inge . . . jasper ni . . . licwe la sardia: mi nekuna ni nambwamutalati ye potolohile lubona, mwa siswaniso sa emerodi.

³⁵ Cwale, ye ki yende, oh, tuto yende! Mi kakusasana cwana, Ni si ka shetumuka kale, Ni fitile fa timana ya 6 fa, Na hupula kuli, “Oh, mawi, Hani koni ku i fitelela seo, kakuli kuna ni sesiñwi mwa timana ya 6 ye Ni bata kuli batu kaufela ba utwe hande, ha lu ka fita fa *libatana zee*.” Litaba ze shutana za libatana ze fa, kutalima kwa mulaho kwa makalelo, silisiñwi ki sibatana sa mufuta omuñwi, mi libatana zene ki nto isili. Yeñwi ki folofolo, mwa Sigerike bali, iswana inge “folofolo ya mwa naheñi.” Yeñwi ye ha isika tolokiwa kale mwa King James, kakuli ha ki *libatana*, ili ki “Libupiwa zepila.” Ni ka mo Libupiwa zani, mo ne li inezi, ne si za butu kamba niheba Lingeloi. Kacwalo ki “Libupiwa zepila,” ni mo ne libezi ni lifateho zene ni zene . . . Oh, mawi, lu shetumune fela zeo mwa Evangelii, ni ku li kutisa hape ni ku li tomahanya kacenu ka kupetahala fela sina mo libezi mo. Mi, muhupule, *bune* ki nombolo ya lifasi. Mwabona? Mi ki tuto yende fela foo, mi kacwalo Ni—Ni ziba hande kuli haluna kukena ku zeo; mwendi lu ka kena hakulata. Kono ki nto yende luli!

³⁶ Mi, haiba Mulena alata, mi haiba luteni, mwendi la Sunda yetaha lu ka lika zeo hape; kulika, kushetumuka, lubone haiba lwakona kufeza kauhanyo ya 4 ye lu si ka ya kale. Ha lu zibi fela ko ku ka bela makalelo ateni.

³⁷ Cwale, lu fumana kuli *kasamulaho*, “Kasamulaho wa lika ze.” *Kasamulaho* italusa kuli “Kasamulaho wa masika a likeleke afela.”

³⁸ Mi Joani na bizezwa kutaha fahalimu, “pahama fa halimu,” ili kutalusa kuli “taha kwanu.” Na mu bonisize kaufela ze ne ka ezahala mwa lifasi la—la lusika lwa Keleke. Mi kasamulaho wa masika a likeleke kufela, lu fumana cwale kuli Joani nali mufuta wa mulumeli wa niti kaufela baba ka bizezwa ki Kreste kwa Lihalimu. Ki niti yeo? Na to bizwa, “Taha kwanu.”

³⁹ Mi lu fumana kuli Linzwi lene li bulezzi ku yena neli Linzwi la tolombita, leliutwahala, handende, mi neli Linzwi le li swana lene li bulezzi ni yena fa lifasi fa. Mwabona, haibile fela Nali mwahala malambi a sebene a gauda, Na bulela kwa . . . kamba ku *ona*. Oh, Na lata cwalo, “kubulela ali mwa likandela.” Mwabona, Nali mwa likandela, inza bulela mwahala zona kubulela kwa Keleke ya Hae. Mi cwale lusika lwa keleke ha ne se lufelile, A siya lifasi mi a ngelwa mwa Lihalimu A biza ba Hae baba liuluzwi kukambama ni Yena. Oh, kana ha ki nto yende yeo? Ni—Ni . . . Oh, si ni tulisa fela fela pilu yaka.

⁴⁰ Mi muhupule, halunze lutisa lika ze, Ni bata sihulu banana baba sikuluhezi kwa bupilo sina Kezeli Ina faa, kamba, ni Ina, nitaluse, ni muuna hae, ni Rodney ni—ni musala hae, ni Charlie ni babañwi, ku utwisisa kuli lika ze, mi buñata bwa mina sicaba baba sa zo taha fela ku Mulena, ba ba si ka ya kale hahulu fahule mwa nzila, kono mu Mu tatubile fela ni kubona kuli Ki yomunde mi ki ya sishemo. Cwale, mulemuhe se, kuli lika ze lu bulela ze, ze lu lika kueza ki ku fa tumelo ya mina mayemo, kuli Mulimu ha bulela sika kaufela sina ni kuezahala kihona. Zeo fela halina ku palelwa! Hakuna taba . . . Kamba si ka bonahala inge kuli ki limaili ze lule . . . kuli hasina kuezahala, kono Mulimu uka si tisa handende mane si to ezahala. Mi Ueza cwalo kuli a ku like.

⁴¹ Mutualime sa Na bulezzi ku Abrahama. “Nga mwana hao ukambame lilundu mi u mu bulaye,” kasamulaho amano mu libelela fa myaha ye mashumi amabeli ka ye ketalizoho. Mi ki Hali, “Kifo aku mutise fahalimu mi u mu bulaye.” Mi cwale kana . . . ? “Ni ka ku eza kuba ndatahe macaba.”

⁴² Mi Abrahama, wa myaha ye mwanda ya kupepwa; musala hae, nainte; mi mwana bona kiyena yo anosi fela . . . Abrahama nana ni myaha ye mwanda ni ye lishumi ka ye ketalizoho fani. Kaewalo ali, “Kana ukaba cwani, kana—kana kukonahala cwani? Haiba na, nili muuna muhulu, ya hulile mo Ni inezi, mi ni libelezi myaha ye mashumi amabeli ka ye ketalizoho . . . No ni file sepiso fa myaha ye sebente-faifi, mi fa Ni eza mwanda. Mi Sarah neli sikisite-faifi, kono cwale seli nainte. Cwani? Kasamulaho lumano ba ni mbututu yo . . . Mi Wa ni bulelela kwa mulaho kwani, myaha ye mashumi amabeli ka ye ketalizoho kwa mulaho hane Ni li wa myaha ye sebente-faifi ya kupepwa, Kuli Ne ni

ka ‘ba ni mbututu’ kasamulaho wa kupila ni Sarah myaha ye kaufela, Ne ni li mwanana mi na sina fa lupepo. Kacwalo he? Ibo, No ni file kuba ni lupepo ni yena kuba ni lupepo, mi kipeto utahe ku to lufa mbututu yee. Mi lu mu utile mane kukwanisa myaha ye lishumi ka ye ketalizoho ya kupepwa, mi ka yena mwana yo Wa bulela kuli Uka ‘Fuyola Bamacaba ni naha kaufela mwa lifasi,’ ni ku ni eza kuba mushemi mane ndatahe Bamacaba, ku ni eza mushemi. Mi mwa masika a sa taha, Mulena, kuli Uka ni eza kuba ndatahe linaha kaufela mwatasa lihalimu ka yena mwana yo. Mi ka yena mwana yo kuka taha Muliululi, mi ka yena Muliululi yani a liulule masika kaufela a batu. Kana Uka eza cwani zeo, Mulena?” Wani ne si muhupulo wa Abrahama, yani ne si puzo ya Abrahama. Ku utwela! Ne ku si ka bulela kuli, “Kana Uka eza cwani zeo?”

⁴³ “Ha ki musebezi wa ka. No bulezi cwalo, kacwalo Na ziba Linzwi la Hao li lukile, haiba Wakona ku ni bulukela Linzwi la Hao mi wakona ku ni bonisa cwalo hane Ni li wa myaha ye sebente-faifi ya kupepwa; ha u ni biza ni kubulela kuli, ‘Zwa mwahala bona mi u zamaye mwa naha ya kwahule,’ Ni bile mwa naha ye ka myaha ye mashumi amabeli ni ye ketalizoho. Nafunduka, nili muuna muhulu, yapila ni musali ye Ni pilile ni yena kuzwa kwa busizana bwa hae, yena ki kezela ka neku leliñwi. Mi cwale Ni puma...ka nako ye kaufela. Mi Uni file mwana yo No sepisize; Ni mu amuhezi sina yazwile kwa bafu. Mi haiba U bulela kuli ‘u mu bulaye,’ Wakona ku mu zusa kwa bafu hape.” Oh, mawi! Kona cwalo, kona cwalo. Mi Aeza cwalo.

⁴⁴ Mi amano utwela fela Mulimu mwa mutalelela, a apesa milili ya Isaka kwa sifateho sa hae, a comola tipa kuli abulaye mwana...hae, yena mwana hae wa libanda. Mulimu na bonisa mukwa, wa ku lu bonisa. Ki sikamañi sa Na ezelize zani? Na sa lukeli kueza cwalo. Kono Na ezize cwalo kuli mina ni Na, kuli lu talime fa lika ze mwa lizazi le li sabisa le koo lipilu za batu litezi fela bumaswe, kuli lukone kuziba kuli Mulimu ubuluka sepiso ya Hae. Hakuna taba kamba si bonahala cwani kutokwa tuso, mo si kona kubela se si sa konahali, Mulimu u sa siyala ali Mulimu mi Yena ubuluka sepiso kaufela ya Na file.

⁴⁵ Sani kona se Ni lika ku mi bulela ha lu yemanga mo mwa sebelezo ya foliso. Yema fa, u li, “Na kula.” Mi wena...Hakuna ku kakanya, wa kula. Kono Mulimu ubuluka sepiso ya Hae! Mi Uka taha atuluke. Cwale, mwabona, Na ezize swalelo fa kuli Na—na ka mi folisa. Sani kona Sa ezize. Cwale, taba fela inosi Ya mi kupa ki kulumela kihona, mu kumalele fela sina Abrahama mwa na ezelize.

⁴⁶ “Kihande, dokota uli Nika—Nika pila fela lizazi li liliñwi.”

⁴⁷ Hanina taba. Zeo ki zende, zeo kona za ziba mutu, kona zende za ziba. Kana Abrahama na ka amuhela cwani mwana yo kasamulaho amano mutisa fa, mi Linzwi la Mulimu la mu

bulelela kuli “zamaya u yo bulaya mushimani”? Kana uka eza cwani zeo? Yeo ha ki yona puzo. Mulimu naize eza cwalo mi ao kona mafelelezo. “Kana Ni ka ba cwani hande mi dokota ubulela kuli ha Ni na kufola?” Na kwateni...zeo ha ki zaka...ku buza; ki kunga Linzwi la Mulimu. Mi zeo li sa patululwa fela ku wena kuli ukaba hande, mi ukaba—ukaba hupula fela kuli ukaba hande. Hakuna se si kona ku ku paleliswa ku zeo. Yeo ki niti. Mwabona?

⁴⁸ Kacwalo Abrahama ka ku utwela ka kutala...Kana Uka eza cwani zeo? Nako ya mafelelezo, mizuzu ye ketalizoho yamafelelezo ya taha, mizuzu yemilalu ya mafelelezo, mizuzu yemibeli yamafelelezo, muzuzu ulimuñwi wa mafelelezo, mizuzunya yemashumi amalalu, muzuzunya wa mafelelezo wa taha, lizoho ha ne se linanuhezi kale mwahalimu kuli ange bupilo bwa mushimani, Mulimu ali, “Tuhela zeo yema ona foo. Yema ona foo, mwabona. Ni bona kuli luli wa Ni sepa. Cwale, Ni ezize fela se, Abrahama, ku bonisa ba Branham Tabernacle mwa mazazi a taha, mwabona, ka se si ezahala, kuli ba lukela ku Ni sepa. Ha ba lukeli ku Ni kakanya ni hanyinyani. Mu Ni sepe!”

⁴⁹ Ka yona nako yani fela, yena...Sitabelo sa ba teni, na si ka si bupula mbango. Batili, na si ka eza mwa mbango, kakuli ona fani fela ngu—ngu ngu yatolila, totolo nyana ne iswasizwe mwa lihalupa mwani kwa manaka. Mi ki linako zekai ze lu fitile ku zeo. Kana totolo yani neikeni cwani mwateni? Kukonahala cwani, mwahala libatana zani kaufela? Limaili ze mwanda kuzwa kwa zwelopili koo, mwahala litau, mawawa, litongwani, libatana za mwa naheñi kwani, fahalimwa lilundu fo kusina mezi kamba bucwani, ne i eza sikamañi fahalimu fani? Mulimu kiyena ya na i bupile, a i beya fela fateni.

⁵⁰ Ni ku Mu bona mwa mazazi a luna mo lupila! Cwale, kakusasana cwana Ni ka eza lika zeñata hahulu za—za litaba ze ni ama, kuli ni utwahalise ze Ni bata kubulela. Kona ha Ni kutela taba ye mo Ni sweli kuezeza, ni si ka kalisa kale ka se. Ni bata kuli mu utwisise kuli litaba zeutwahala kuama mutu butu, ha li yemeli ze cwalo. Litiswa fela ili kufa mutala ku mina kuli tumelo ya mina itiyele hande mwa tumeloyeli ku Kreste, mwakona ku yendamena fa sepiso ya Hae. Kakuli Mulimu ubuluka sepiso ya Hae ka kupetahala fela mo ku lukela kubela, cwale ku bonisa ku luna.

⁵¹ Mi mutualime yena yaswana *Jehova-jaire*, sina mwa na mubizelize Abrahama, mane mwa Siheberu ki kutalusa kuli “Mulimu uka iponela sitabelo Iliyena.” Mulimu wakona kueza cwalo. Na ezize nzila ya Hae. Haiba Na bulezi cwalo...Na bulelezi Nuwe...

⁵² U ize, “Kihande, yani neli fela Abrahama” Batili. Na bulezi mwahala masika kaufela, mi Usa bulela ni cwale.

⁵³ Na bulelezi Nuwe kwa mulaho kwani, kuli, halunze lukena ku zona kakusasana cwana, “Kiñi, i ka nela.” Kiñi nekusina . . . nihaiba lilu mwa mbyumbyulu. Nuka yetuna hahulu ya mezi neli mutai koo Mulimu na lukisize naha, ka nako ya maliha nyana kokuñwi. Yani neli yona nuka yetuna yene liteni.

⁵⁴ Cwale, sicaba sili, “Ku konahala cwani kuli mezi atahe kuzwa kwahalimu? Mu ni bonise ko a inzi kanti kuna ni lizazi le li cisa cwalo, haiba hakuna nihaiba ni amakana kwa halimu kwani.”

⁵⁵ “Haiba Mulimu nabulezi kuli, ‘yaha areka, kuli ika taha,’ ki musebezi waka kuyaha areka ni kuitukisa, kakuli ya taha. Ki yena Jehova-jaire, Wa kona kuiponela mezi kwahalimu kwani.”

⁵⁶ Mi taba fela ya Na ezize neli kutuhela mutu, wa sikuba, muuna wa sikuba, kueza ona cwalo ka sayansi ya hae, kuli ku talelezwe sa Na ziba kuli si ka taha. Mulimu akiyena ya si ka sinya lifasi; mutu ki yena ya ka sinya lifasi. Mulimu hakuna sa sinya, Mulimu ulika ku buluka lika kaufela. Mutu u ipulaya ka zibo ya hae, sina mwa na ezelize mwa simu ya Edeni kwa kota, ni zeñwi cwalo. Mi kacwalo mufitelezi yomuñwi wa tumelo afumana mata amañwi a atomic, kokuñwi, one ba nani.

⁵⁷ Neba—neba ka a belekisa ka nako yani, kakuli neba kona kueza lika ka ona ze lu si ka ituta kale. Ha lu yo fahule hahulu mwa bunangu. Mwendi lunge lilimo zetalu kamba zene hape, kamba zeñata, lu si ka eza kale cwalo, fakuli lukone kueza ze ne ba ezize. Ne ba yaha ma piramidi ni matawala amatelele ni zeñwi cwalo. Luna halukoni koni kueza cwalo. Halukoni kueza zeo, hakuna mukwa wa kuli lu li eze, konji haiba lukona kuba ni mata a atomic. Mata a mafula, mata a malaiti, hakoni ku nanula neba iliñwi ya macwe tuna ani, kunanuha fafasi. Mi abañwi a ona ki butelele bwa libima mwa butelele luli, mwahalimu, mi ana ni bukiti bwa matani a likana ma bilioni. Kana neba ka fita cwani fahalimu fani? Mwabona, ne ba ziba.

⁵⁸ Mi ba tuhela zani ku tamulula, yomuñwi ku tuhela iliñwi ya lindalamiti za atomic zani kufufela fa siiponi sa yomuñwi, kwa mulaho mwa mazazi akale, kakuli, “Mo ne kuinezi mwa mazazi a Nuwe,” sina mo ne kuinezi, mufuta wa zwelopili yani, mufuta wa batu baba butali cwalo; “sina mo ne kuinezi mwa mazazi a Nuwe, kona mo ku kabela, kona mo ku kabela ni fa kutaha kwa Mwana mutu.” Ki kukutela kwa sene sibanga teni! Mwabona?

⁵⁹ Kwanu ha ki kale hahulu ne ba kataile liabwa la mezi a cwale, nali kwani—kwani kwa Mexico ku si ka ba kale muunda wa lifasi. Mu li boni? Neli mwa mutende, koo sibaka sa liabwa lelituna inge leluna ni cwale, le ne litilo tiba mwatasii a mubu; nto yeñwi ya atomic ne i apesize fateni. Ya ngungula fela ni kuya ona cwalo kufasuka. Mwabona?

⁶⁰ Cwale, “sina mo ne kuinezi mwa mazazi a Nuwe,” baana baba butali, baana baba butali ka mata a bona a atomic ni lika

kaufela, ne ba ka yaha ma piramidi ni matawala ni zeñwi cwalo. "Sina mo ne kuinezi mwa lizazi lani, kona mo ku ka bela." Kono musebezi uka pumehela fahali mwa lizazi le, kakuli ku lukela kuba sicaba se si ka Ngelwa. Sina Enoke, ku lukela kuba sicaba se si ka shimbiwa mwabuse. Lu mwa sitopa sani kakusasana cwana, sicaba se si shimbuluzwi sina Nuwe mwa na bezi mwa muunda.

⁶¹ Kono muhupule, pili... Musike mwa libala se! Liloteli li liliñwi la pula li si ka wa kale, mane ku si ka ba kale nto iliñwi mwa mbyumbiyulu, mane Nuwe a si ka—kale a si ka feleleza areka, Eoke na ngezwi kale kwa Hae. Enoke na ngilwe kusina lifu, na kalile fela ku zamaya zazi leliñwi, mi—mi bukiti bo bu hohelafafasi bwa mu tuhela. Mi afumana lihutu leliñwi fahalimu nyana, mi leliñwi fahalimu nyana, mi leliñwi li pahami fahalimu nyana, mi taba yapili mwa ziba, na ize, "Siyala foo, lifasi." A ikela fela kuliba kwa Kanya.

⁶² Mi cwale Nuwe ha talima kafa ni kafa na si ka fumana Enoke kai ni kai, atalima kwa ni kwa mi na sa zibi kokuile Enoke, mi ki hali, "Seli nako ya kuyaha areka cwale." Mwabona? Mi ayo sebeza mwa areka kuli ayo hapa bo masiyaleti.

⁶³ Yeo kona nto yeswana ye ezahala ona fa. Keleke ne i ngezwi mwa Lihalimu, mi Joani cwale u tahile ni Yona kuba mufuta wa zuho, sina mo ne lu i ngezi maabani busihu. Mi mu batisisé kuli lona Linzwi le li swana le li mu biza kuli a talime fa lifasi, neli Linzwi le li swana lene li mu biza kuli atahe apahame.

⁶⁴ Oh, Mukreste kaufela! Lona Linzwi luli, Charlie, lene li ku supeza zazi leliñwi kwani kwa Kentucky, kuli u "Sikuluhe," ki Linzwi le li swana le li ka ku biza kuli, "Taha kambama!" Kana ha u si ka taba ka zeo, Muzwale Evans? Linzwi lene liize, "Sikuluha," lona Linzwi leli swana lali, "Taha kambama!" Oh, mawi! Kwani, ha ki ku bizwa ni koo! Ha ki buniti ni boo! Kupatalaza, kuutwahala hande inge tolombita, "Sikuluha, Ni sebeleze! Taha ko Ni inzi."

⁶⁵ Kwani lwa mubona inza yemela ba ba shwile, Mushe ku yemela baba kenile baba shwile; a zuha. Elia, ni sikhata sa hae ka lizazi la mafelelezo, ni sikhata sa hae se si Ngilwe inge siyemi fani. Kaufela fapila Mulena Jesu! Joani na patuluzi kuli... Jesu na ba bulelezi kuli na—na si ke kushwa, mi neli sikamañi kubona haiba na ka pila kufitela abona kutaha kwa Hae. Mi balutiwa ba umbuna umbuna.

⁶⁶ Oh, Ni lakaza kuli kambe Ne ni ka ya, kukena mwa butungi cwale, ka mizuzu yelikani, kwa keleke. Mañi ni mañi wa ziba... Mi mañi ni mañi upila bu—bu bupilo bwa kwa mukunda ni Mulimu. Ki ndwa ya mutu anosi, lika za Moya li ka ku kenya mwa libaka zo sa koni ku bulela zateni mane.

⁶⁷ Ni lemuhile taba ye mwa bunyinyani, bwa bulumiwa bwaka bo bu ishuwile, kuli kuna ni linako zeñata ze Ni ka bulela

taba mi kusina kuziba ze ne Ni i bulelezi, mane ha i bonahali hande (Kono niteñi, yomuñwi uka bulela nto isili.), kono Ni ka talima mi nto yeo ika taha fela ka kupetahala ku zona ka mo ikona kutahela. Mulimu uka likonisa kuezahala! Ha Ni bata fela kubulela sika, Ni ka li, “Kihande, cwale, libelela fa muzuzu. *Mutangana* yani, wa *kuli-ni-kuli*, se si ka ezahala kwanu, cwale sani—sani sina ni kuba fela ona cwalo.” Kihande, luli, Ha—Ha ni zibi ze Ni li bulelezi. Mi taba yapili mwa ziba, ki yona fela ona cwalo. Mulimu ki yena ya li ezize!

⁶⁸ Cwale, balutiwa ba hae ne ba bulela kuli, “Oh, Jesu uize ‘muuna yo hakoni kushwa.’” Jesu na si ka bulela cwalo.

Jesu ali, “Ki sikamañi ku mina haiba apila kufitela Ni taha?”

⁶⁹ Kono kubona balutiwa ha ba bulela ka zona, mi Jesu a shetumuka ni kunga Joani ni ku mu tisa kuli a mu lumeleza kukutela mwa lika kaufela, kubona kupatalaza kwa Kutaha kwa Mulena. Joani na boni Keleke, na boni mafelelezo a lusika lwa Keleke, abona mafelelezo a Majuda, abona Kutaha kwa Bubeli, abona mulao kaufela.

⁷⁰ Mi mutualime sana ezize Mulimu; ku mu cisa ka mafula mwendi ka lihola ze twenty-foo kulo kwani, kuli ba bone kuli nali wa Bumulimu, kuli Moya o Pahami no tozize ona—ona moyo wa hae . . . (za kwande, kalulo ya mubu yani, kamba kaufela mo mu i bizeza, ki nama ya butu), na pila hahulu ka Bumulimu kufitela kucisa kwa mafula a mota ka lihola ze twenty-foo ne li si ka mu cisa mane. Kulika kubilisa Moya o Kenile kuzwa ku mutu; hamukoni kueza cwalo. Mi ba mu beya fa sooli sa Patmosi, teñi a ñola Buka, ni kukuta ku yo kutaza myaha nyana. Hmm. Hmm.

⁷¹ Kakuli, cwale, nana ni kulwala libizo le li maswe, “Na li munuhi, na li muloi.” Ki babakai baba ziba kuli Joani na bizizwe muloi? Kiniti! Jesu na bizizwe cwalo, niyena. Mwabona? Mwabona, lifasi hakuna se li ziba ka lika ze. “Na li fela mubali wa minahano.” Mwabona? Ne ba bulezi kuli “Nali fela muloi ya cwalo kufitela ha na ti lo sulula mafula ani, kuli mafula na sa mu cisi kakuli na a loile,” bakeñisa fela kuli na si ka lumelelana ni milelo ya bona ya Katolika. Ani neli mafelelezo.

⁷² Nali mutanga wa Mulimu yana . . . ikokobelize, nana ni tumo nyana kwani ya na bulukile. Na si ke a lumelelana ni lika zetuna zani, mi kacwalo Mulimu a mu buluka fela ni ku mu pata. Kona mwa Na ezelize: Muhalalehi Martin ni—ni Irenaeus, ni kutaha cwalo mwahala lusika.

⁷³ Mi Usweli kueza nto yeswana ni kacenu, utaha ona cwalofafasi. Cwale, musike mwa libala se, kuli Mulimu na sepisize ku njanja kokutuna, ni misebezi yemituna, ye mata. Cwale, muñole se fa litaba za mina ze musweli kuñola (Mwabona. Mwabona?), seo mutu abiza “butokwa ni butuna” Mulimu usi biza “Bukuba!” Mi sa biza mutu kuli “bukuba,” Mulimu usi biza “Butokwa!” Musike mwa libala seo, mwabona, musike mwa

libala zeo. Zeo li ka mi tusa mwahala myaha ye taha, kakuli lu libelezi nto yeñwi yetuna ka nako kaufela. Mi lusweli kuamuhela zetuna ka nako kaufela, kono sicaba sa lifasi ha si zibi cwalo. Mane ne ba si ka ziba mwa mazazi a Nuwe, kamba kuli ne ba si ka li ziba mwa mazazi a Joani, mwa mazazi a Jesu, mwa mazazi a baapositola, mwa mazazi a Irenaeus, leliñwi la mazazi ani, ne ba si ka li ziba.

⁷⁴ Neba Joan wa Arc, nali ya kenile, musali yomunyinyani. Fani hane kusina sika kwanda musizana, Mulimu na ambozi ni yena mwa lipono, mi Lingeloi la ambola ku yena. Mwa ziba se ne ibulezi keleke ya Katolika? “Ki muloi.” Mi ba mu lobaza fa musumo ni ku mu cisa kuisa lifu, baprisita ba Katolika ne ba ezize cwalo; ba mu bulaya, ba mu luma lifu la “muloi,” mi Joan wa Arc na shwa ka kutamelelwa kwa sitoli kuli ki muloi. Mwendi kasamulaho wa myaha ye mianda yemibeli cwalo, ba fumana kuli na si muloi, nali mulutiwa wa—wa Kreste.

⁷⁵ Ne ba ezize nto yeswana kwa balumeli kaufela. Jesu naize, “Ki mañi wa mina bo ndata mina ye ba si ka nyandisa? Ki ufi wa bapolofita yakile ataha fateni kuli ne ba si ka mu hana?” Ali, “Mina mamota a masila.” Ali, “Mina—mina mu kabisa ni—ni kubeya lipalisa fa mabita a bapolofita, mi ki mina luli mu ba beile mwateni.” Hmm! Mawi! Mawi! Mwabona? Na si ka keshebisa nihaiba hanyinyani ku bona. Hmm! Na ba bulelezi fela.

⁷⁶ “Lusika lwa linoha lo,” Joani ali, “ki mañi ya mi lemusize kusaba kwa buhali bo bu taha? Musike mwa kala kubulela kuli muna ni Abrahama kuba ndata mina.” “Lu ba siemba sa kuli, likopano zetuna.”

“Kana u Mukreste nji?”

⁷⁷ “Oh, Ni wa Methodist. Ni wa Presbyterian. Ni wa Pentekota.” Zeo haliyo ku zona ni hanyinyani. Zeo halina za kueza ni hanyinyani—inge—inge—inge—inge makatulo akutina ka nako ya mbundu mo asa zibeli lizazi. Mwabona? Halina sa kueza ni sona. Haiba u Mukreste, u mutanga wa Mulimu ya pepilwe sinca.

⁷⁸ Cwale, cwale, Joani ha taha, ne luna ni zona maabani busihu. Cwale, muhupule, ha mu taha ku se... Kakuli taba yateni, Ni—Ni mi bulelezi kale. Muhupule, lifasi li zikinyehile ka sabo yetuna hahulu ku ze kile zaba teni, ona fa cwale, keleke ya lifasi.

⁷⁹ Cwale, muhupule, hakuna kukakanya, mwa mazazi a—a Joani, mazazi a Jesu, nekuna ni mikiti yemituna ni babuleli babatuna mwa mazazi a bona, baana babatuna ba ngana, mi ba hapa mashumi a likitiki ka buñwata bwa batu. Kana Kefasi na ka eza cwani haiba na ka biza mu—mu mukopano hamoho? Na ka tisa Jerusalema kaufela, na ka tisa Isilaele kaufela hamoho, kuzwa musumo omuñwi kuya fa musumo. Mi kaufela bona bali, “Oh,”

“Cwale, haiba Kefasi ubulela litaba za *kuli-kuli*, zeo nelikaba zende.”

“Oh, kana u lumela Mañolo, Muluti, Revurendi, Dokota, Bishopu? Kana u lumela Mañolo?”

“Kiniti, Na lumela Mañolo, Ni muituti ya talifile!”

⁸⁰ “Ku lukile. Cwale, Bibebe ibulela fa kuli ku ka taha nako ye ku kaba teni, ‘Malundu kaufela aka takisa inge lingunyana, matali kaufela akambele mazoho, mi libaka umbukile kaufela li ka patamiswa ni misindi ika ubelwa, libaka kaufela za misindi li ka pata ni ulululwa. Mi li ka ezwa ka linzwi la ya huweleza mwa lihalaupa.’ Kana wa lumela cwalo, Muluti, Revurend, Dokota, Mulisana?”

“Luli, Na lumela cwalo!”

“Li ka ezahala cwani?”

⁸¹ “Oh, Mulimu uka luma muuna ya mata mwa lifasi zazi leliñwi. Oh, ukaba yomutuna. Ukaba linzwi la ya huweleza mwa lihalaupa, kamba uka twaaleta kutaha kwa Mesia. Mi cwale ha taha, hakuna kukakanya mwa munahano waka kono u ka zwa mwa Lihalimu ni kutaha mwa tempele. Uka taha ona kwanu kwa tempele, ni kubulela kuli, ‘Cwale, lu ka nga Maroma kaufela ni ku ba nata kuisa lifu. Ku felile. Lu ka nata Maroma kaufela kubafenya.’ Mi—mi uka bulela kuli, ‘Taha u shetumuke, Mesia!’ Mi Mesia uka tahafafasi, mi luka lukisa licekesi zaluna za ku kutulisa kuba...kamba mikwale ya luna ni licekesi, mi hakusana kuba lindwa ni hanyinyani.” Mi, uh-huh, yeo kona toloko ya zona.

⁸² Kono ki sikamañi sene si ezahalile ha si taha? Ki sikamañi sene si ezahalile? Nekusina ponahazo ya Lihalimu, sene ba boni; ne kuna ni iliñwi, kono ne ba si ka libona. Ne ba si ka li bona. Mwabona. Ki lili fo malundu kaufela ha na takisa inge lingunyana? Ki lili fo ne li tezi mwatasni libaka zepahami ni libaka za misindi ku ubelwa? Mukutazi wa mahaha kwa sifateho ataha inza zamaya kuzwa mwa lihalaupa mane na sa zibi nihaiba ABC ya hae. Kuya ka litaba za kale, naile mwa lihalaupa akuma fa myaha ye naini ya kupepwa mi na si ka bonahala hape konji ha na li wa myaha ye mashumi amalalu. Na pila kuca linziye ni linosi. Linziye ki limbimba, limbimba ze telele zani.

⁸³ Ba li canga ka nako kaufela. Kihande, mwakona ku li leka ona mwa... Musike mwa nahana kuli zeo li maswe, kakuli mwakona ku li leka ona mwa musika wa supamaketi wo haiba mwa li bata, limuka zakwa likota, limuka za linosi, linziye, linoha zabo ngongola, kaufela ze mubata, mwabona.

⁸⁴ Kacwalo na pila kuca linziye ni linosi. Ha ki lico ni zeo! Kono na bulukilwe ka mata a Mulimu. Na si ka tina ka kola ya hae ye futukile; sina mutu yomuñwi hana bulezi maabani busihu, Muzwale Parnell kamba yomuñwi wa bona. Na si ka

tina koti ya bulizi bwa sisali, ni zeñwi kaufela ka zona. Ataha kuzwa mwa lihalaupa ni litalo lelituna, la ngu la kale lene lana itamile mwa teka. Sina ha Ni bulezi, mwendi . . . Luna ni kutapa zazi ni zazi, mi mwendi na sa tapangi nako kaufela konji hañwi kasamulaho wa likweli zetalu kamba zene, kwande kwani mwa lihalaupa. Ha ni zibi. Na si na ze nemu ka ikumbuta ha talimwa. Na sina katala. Na si ka ya mwa mileneñi yemituna kaufela ni kuba ni mikopano yemituna. Na yemi fa likamba la Jordani fani, sileze sa li kucikimana konji mwa mañwele, mi ali, "Mina lusika lwa libili, ki mañi ya mi lemusize kusaba kwa buhali bo butaha?" Hmm. Fani kona fo ne li patamiselizwe libaka zelumbile, mwabona, ni libaka za misindi za umbuka. Uh-huh. Eeni, sha.

⁸⁵ Mi, taba yapili mwa ziba, ne ba kulubela Mesia kutaha ni Mangeloi ni lika zeñwi, ni kuina fa situwa kwande kwani ni tempele kone ba Mu yahezi kuli atahé (sina ha lu yaha libaka zetuna kacenu mwahala linaha ni zeñwi cwalo). Mwabona? Mi ki lili fa Na tezi? Na fitelezi yeñwi ni yeñwi ya zona mwa sinagoge, yeñwi ni yeñwi ya likopano zani, ni kutaha mwa sicelo. Ne ba Mu hapeleza mwateni.

⁸⁶ Sani kona mo si inezi kacenu. Wa hapelezwa mwa lika, ku hapeleza kueza cwalo, ku hapeleza likopano hamoho, kakuli Liñusa la Hae hali tamahani ni kopano. Liñusa la Hae kacenu, le li kutazwa ki bakutazi ba Hae, ki la likopano ze kopani hamoho kakuli likopano li Mu kashelize kwande. Bibele ibulezi ona cwalo. Nali kwande, inza ngongota, kulika kukena mwahali (Mwabona?), mwa keleke ya Hae Tota. Kwani kona ko liinzi. Mwabona, ki nto yeswana fela ni kacenu.

⁸⁷ Kacwalo, muhupule, se si bonahala butuna ku mutu, ki sesinyinyani fapila Mulimu. Cwale, kona libaka ha mu sa lukeli kuba ni lipalisa zeñata. Mi cwale Mulimu ha taha hape, mi Jesu ha ka taha hape, mu ka komoka, yena musali yomunyinyani yani wa sitimbi kwa mulaho mwa mukwakwa. Uh-hum. Mu ka komoka, kuli yena mutangana ya sa bulelangi yani, inza ipulukela likunutu ku yena anosi ni kuzamaya fapila Mulimu, ya ikokobelize. Mu ka komoka. Li ka yo kom- . . .

⁸⁸ Ne ni katalize ha ki kale hahulu, kwa katulo . . . *Kukomoka Kwa Katulo*. Halina ku komokisa ku yobona cakolwa kwani, wa ziba kuli wa ya. Luli. Hanina ku komoka kubona lihata, soozwa, lika kaufela kwani, zani ha ki zona. Kono ku komokisa ku kaba, ni kuswaba ko ku kayoba kwani, ki bani bene bahupula kuli ne ba zamaya; uh-huh, eehe, mi kipeto ba hanelwe. Bani bene bali, "Kihande, libelela fa muzuzu, boma neli ba keleke ye, bo ndate neli ba keleke ye, bo kuku ba baana ni ba basali. Ni bile membala kwani bupilo bwaka kaufela."

⁸⁹ "Muzwe ku Na, mina baezi ba ze maswe, Nali kuba ni mi zibe."

⁹⁰ Mutualime mwa mazazi ani, Simeoni yomunyinyani, muuna ya sa zibwi, asina nihaiba libubo, hakuna se lu ziba ka yena mwa Bibebe. Kono Bibebe iize, “Ne li patuluzwi ku yena ka Moya o Kenile,” (Ki yani fani; ki fo he cwale.) “kuli asike a shwa konji abona—bona Kreste wa Mulena.”

⁹¹ Mi mutualime Joani mwa na bezi yena Mukolobezi, mufuta wa mutu yashutani nali mutu wa mielo ya hae feelaa, muuna wa mishitu yali mwa mushitu. Ne li patuluzwi ku yena. Ataha inza kutaza Liñusa. Mutualime ku zeo!

Anna yani neli mañi?

⁹² Mwalanjo yomunyinyani, Maria, kwani mwa—mwa muleneñi wa Nazareta (kutalusa sina Jeffersonville) koo sibi ni lika kaufela ne li ekezeha, kono na ipulukile iliyyena kuba ya kenile kakuli na ziba kuli zazi leliñwi neku na ni Mesia yana taha. Mwabona?

⁹³ Josefa, mubeti, na latehezwi ki musala hae mi—mi na zamaya ni musizana yomunyinyani yo kuli amunyale. Mi neli mwahali mwani Moya o Kenile h utaha kuzona. Mi kipeto lifasi la taha mwateni ni kubeya mabizo a mansu, inge kuli “mupikuluhi ya kenile, pentekota.” Mwabona, kulibeya libizo le linsu. “Kiñi, seo, musali... mwana yani na pepilwe mwa linyalo le li kenile.” Mwabona, neba lumela cwalo, mi kwa bonahala inge kuli nekuli cwalo. Kono Mulimu u ezanga cwalo kuli a foufaze meto a baba butali ni ba ngana, ni ku Li patululela kwa limbututu zekona kuituta.

⁹⁴ Ni sepa kuli kuna ni zibo yeñata hahulu ha Ni ka fita fokuñwi kasamulaho nyana. Ni ka mi bonisa. Mwa bona oli ye? Cwale, se Ni mi bulelezi, makalelo a yona, kubona kuli ha ki mutu, ki Mulimu, Ni ka supa ku se. Ku lukile.

⁹⁵ Cwale, “Taha kwanu,” neli Linzwi. Mi ha talima autwa mulumo wa tolombita, mi kapili fela Joani aba mwa Moya—nali mwa Moya, mi kapili hana keni mwa Moya akala kubona lika. Uka kala kubona lika ha ukena mwa Moya. Pili mu lukela kukena mwa Moya. Kana ki niti yeo?

⁹⁶ Cwale, kucwani hane mu kaya kwa papali ya mbola, mi mu li, “Na ilata luli papali ya mbola.” Um-hum. Mi mu inela kwa sipula sa kwa pata, ona mwa sipula sa kwa matuko luli bukaufi mi musweli kutalima fela inge linja zebizwa Yankee kamba Bulldogs, kamba libizwa cwani kaufela, inge kubapala. Kanti inge kuna ni papali yende luli kwani.

⁹⁷ Mi neku la hao li bata ku luza cwanoñu, mi ona fani fela Mbututu Ruth upotolosa sa sweli sina *cwana* ni kubulela kuli, “Mwabona mwabuse bwa kwani?” Luna ni baana babalalufafasi. “Whammy!” Mi kipeto umaela kwahule ha sa bonahala meto; wa tubula kuwani ya hae ni ku i fukiseza moya; u zamaya fafasi ni kutalima kwa ni kwa, mitangana yani kaufela; iya kwa sibaka sa bubeli, i swalana mazoho ni mutu wa bubeli; zamaya,

kuzamay ka kukuza kuya kwa hae, kuinama... Kiñi, mawi! Mawi! Lilata, kutulatula, kutoliya, milumo yakuli, "Hurrahs!" Kiñi, neba ka...

⁹⁸ Ni ba boni habanga zona... Mwa hupula kuwani ya kale ye sikami? Ne niile kwa papali ya mbola zazi leliñwi mi na bona mutangana ya matela kwa lapa. Mi mutangana yo nainezi kwapata aka ni kuwani ya mataka, a tabela hahulu; na ngile kuwani ya hae ni ku i hohela fela fasasi, a beya fela kola mwa matuko sina *cwana* ko ne kuzwile toho. Kiñi, na sweli kuba ni nako yende! Na—na li ya lyangani na sa zibi sa na eza. Neli kulahaka fela ni kuhuwaka ni lilata ni kuhuwa ni kutulaka. Kihande, cwale, mwa ziba se Ni nahana, luli nana ni... nali wa... nali wa... na lata hahulu papali ya mbola. Na li wa lipapali za mbola sikhala, inge fela mufitelezi wa kwai kamba mufitelezi wa ze kola.

⁹⁹ Ni mu mufitelezi wai Jesu. Eehe. Ni lata fela cwalo. Haiba ukaba mufitelezi wa tumelo ku Jesu, Na... Namwa bona, ki muataliso kasamulaho wa sesiñwi.

¹⁰⁰ Mi kana mwakona kunahana kuli mutangana yani yanali, "Oh, luli, Ni mufitelezi wa ya papali ya baseball." Mi neku la hae libata kuluza, mi ba mu bona inza taha ku to wina papali ona zecwalo, atalima kafa ni kafa mi, "Eehe, na sepa sani si lukile." Uh-huh. Ali, u "lata hahulu papali ya mbola."

"Oh, ki nto yeñwi!"

¹⁰¹ Ne mu kali, "Kiñi, ha u tabeli cwalo, nji cwani? Kuna ni se si fosahalile ku wena!" Kaufela ya lata papali ya mbola na ka bulela kuli, "Ki sikamañi se si fosahalile ni mutangana yani? Kuna ni se si fosahalile ni yena. Mu mutualime fela ali kuina fani." Huh! Kona fela ona cwalo...

¹⁰² Mubeye tuu ni tuu hamoho cwale, mwabona. Oh, ha u li mulati wa Jesu, mi u ikutwa kuli Moya o Kenile ukeni mwa Manzwi ao, mi kipeto sesiñwi sa huwa! Oh, mu ka lyangana!

¹⁰³ Ni sepa kuli muuna yo uka ni swalela, uinzi fakaufi hahulu fa. Muuna muhulu, wa milili yeminsu yainzi fa, yana yemi kwani busihu bobuñwi mwa tuyaho, mi yomuñwi a bulela nto yeñwi ya... tuso, mwa ziba, ne i mu tabisize cwalo. Mi mushimani wateni nabile ni nako yetata, Na ziba mufumahali wa—wa hae na mu siile ni ku mu hana ka telekano kakuli na lata Mulena Jesu. Yeo ki niti. Mi yomuñwi a bulela sesiñwi ka Jesu, mwa ziba, na li alimuñwi wa bafitelezi bani. Mi nali mwa ndwa ni ku kunupiwa kaufela, mi lika kaufela, mushimani yani nali cwalo; amu u twela makeke. Ataha kwa ndu ni... bana ba hae ni musala hae. Mi ki ha—ki ha sepisa Mulena kuli uka Mu sebeleza, mi Mulena ha kala ku mu fuyola mi aba hande ni Mulimu, musala hae afetuha fela, a mu leka saimoni ya telekano ni ku mu siya. Na mu siile ali kuina mwa silami. Kono niteni na sa li mufitelezi ona cwalo.

¹⁰⁴ Mi ha na yemi fani busihu bobuñwi mi yomuñwi a bulela sesiñwi ka Jesu, nto yeñwi, mwa Na bezi yomutuna, sina cwalo, ki hali, “Oh, Kanya!” Amu kunupa mazoho a hae mi fa ñindi ya hae ipunyize mwa limota sina cwalo. Na sa zibi kuli na ezize cwalo. Na beile ñindi ya hae fa limota. Ali, “Muzwale Bill, Ni ka lifa zeo.” Ni sepa kuli Muzwale Wood natile ku to beya siemba sesiñwi fateni, ku to beya siemba sesiñwi fateni. Ne lu sa nahani zeo, Muzwale Ben, fela lu—lu tabile fela kuli no li mufitelezi wazona. Mwabona?

¹⁰⁵ Moya o Kenile ha ueza sika ku wena, ha ukoni kuina u kuzize, kuna ni sesiñwi sesi sweli kukashiwa. Amen. Whew! Eehe, sesiñwi si ka nga sibaka, kufiteleza hahulu za Kreste. Ha mu lata Mulena, kuna ni sika fela ku mina se si ka otoloha, se swalep hande, ni tala ni linyolwa, Jesu naize, “Mbuyoti ki ya bona, kakuli ba ka kuliswa. Mbuyoti ki ya baba na ni linyolwa, kamba mu na ni Ona kamba nee.” Ki ba bakai baba bata Mulimu mwa butuna? Ku lukile. Kihande, libaka le mubatela Mulimu hahulu, mu fuyozwi ka kuba cwalo. Haiba hamuna Ona, mu sa fuyozwi ni cwale. “Mi bafuyozwi baba na ni tala ni linyolwa.” U fuyozwi fela ka kuba ni tala ni linyolwa. Kakuli wa Li bata, u fuyozwi. Kakuli kuna ni batu babañata baba sa Li lati.

¹⁰⁶ Mwa hupula kutazo yaka busihu bobuñwi? Mwabona, sina sikuba, ya na sweli sipongisi ni ku yumba mpo. Mwabona? Musike mwa nga pongisi, munge Mpo. Ku lukile.

*Cwale, kapili... mwa moya: mi, amubone, lubona...
lwa tomiwa mwa lihalimu, mi yomuñwi aina fa lubona.*

¹⁰⁷ Cwale, mulemuhe, kasamulaho nyana, kamba, ne lu i talimezi maabani busihu, Na lumela, kuli fa Lubona lo... Lu fumana kuli pili nekusina sika fa Lubona, mi cwale kuna ni Yomuñwi fa Lubona kacwalo ne ku bonahalile kuli Jesu natile ni Keleke ya Hae ku yo punya kwa Kanya mi ato ina fa Lubona lwa Hae Tota. “Kuina fa Lubona,” zeo ki kasamulaho wa lusika lwa Keleke. Cwale, cwale, lu bata kufita ku zeo kasamulaho nyana.

¹⁰⁸ Cwale, mu li, “Kihande, lu kai lubona lwa Hae kacenu?” Cwale, Muzwale Neville, haiba Ni fitelela foo, u ni buze hasamulaho nyana, “Kikai ko kuinzi lubona lwa Hae kacenu.” Ni sepa kuli Ni ka fita ku hande. “Kana lubona Lubona lwa Hae cwale haiba Ha yo fa Lubona lwa Hae cwale?”

Ha yo fa Lubona lwa Hae cwale. Batili, sha.

¹⁰⁹ Ku lukile, cwale:

*Mi ya na inzi na bonahala inge... jaspar ni... licwe la
sardia: mi nekuna ni nambwamatalati yene li fa lubona,
mwa siswaniso... inge ya bonahala inge emerodi.*

¹¹⁰ Cwale, ha lungeni cwale timana ya 3, ka kukala. Mi kacwalo “jasper,” yo Yana inzi fa Lubona na lukela kutalimwa ku... Ka

manzwi amañwi, ha mu Mu talimela, Nali mwa kutiya ko ku cwalo, bunde bo bu cwalo! Oh, Ni bata ku Mu bona. Mina bo?

¹¹¹ Zazi leliñwi... Na hupula Kezeli Cadle, Kezeli Howard Cadle, Na sepa buñata bwa mina mwa mu hupula. Ne nili mwabuse bwa mukwakwa kwani, mi musala ka yaliteni cwale wa hupula hane kenezwi ki silami, mwa muzuzu. Mi Na yema, mi ne ni na ni, sitofu... neli sitofu sa kale kwani mi... lwa beseza sinkwa sa luna mwa ondo, ya pizana. Mi Na... ne ku batile luli mi moya wa fuka, ka nako ya maliha, mbundufafasi, ni ku yo sulula musi, nosweli kutushana mwa muyemo wateni, mi na palelwa kutukisa nto yani, kuli ni bukeleze bupilo bwaka. Mi Ne ni katezi hahulu ka zona. Mi Na beya mwateni zeñwi, za kashezwa fela fande hape. Billy na batile mi ni mahe na bata, Ne ni lika kutukisa mulilo. Mi cwale Na to tukisa silimba mi (mizuzu yemine isika kwana kale, na to futumalelwa, sa to tuka kuyaka), mi Kezeli Cadle na opela kuli, “Ha Ni ta fita kwa Naha yani, kwa likamba la kwahule hule, Ni bata kubona Jesu. Mina bo?” Oh, mawi!

¹¹² Na to ina fela fafasi fani mwahali fa bulilo fani ni kukala kulila. Mwa ziba mwa na opelelanga, mwatasi, ka linzwi la hae la munembo omunde wani. Ni bata ku mu utwa ha Ni ka sila museto kwani; yani yeli, “Ni bata kubona Jesu. Mina bo?”

¹¹³ Na hupula kuli, “O Mulimu, eeni, Ni bata ku Mu bona zazi leliñwi. Lipalisa ha li ta yo cimbauka fa nuka, Ni bata kubona Jesu.” Kamo... Ku Mu bona fa Lubona lwa Hae, bunde bwa Hae, butuna bwa Hae! Mi haiba Ni... Oh, Ni bata kuyema fa na yemi Joani, kuli Ni yeme fela ni ku Mu talimela.

¹¹⁴ Kwanu nako yeñwi yefitile, kwani... nako ya bukoba. Ni bulela se ka kuyemela balikani baka babansu babaliteni mo kakusasana cwana. Nekuna ni muuna muhulu, yomunsu mi na... na yanga kwa sibaka nyana, kwa na latanga kuya.

¹¹⁵ Mi ne lu ezanga cwalo kwani kwa Kentucky, yo ku yo opela. Mwendi Boma Cox ni babañwi ba hupula hane bayanga kwa kuopela, mwa ziba, kuya kwa mandu mi ne ba lizanga siñwañwa, banana ni bao kaufela inge ba opela. Ne lu ezanga cwalo kwanu kwa Utica, ni libaka zeñwi za naha. Cwale bana ni mukiti wa macwala, kwande kokuñwi kwa mukiti wa lipina za rock-ni-roll.

¹¹⁶ Kono, he, ne ba opela lipina. Iliñwi ya lipina za kale ze, ne kuna ni muzwale yo munsu yana pilisizwe. Mi Mulena amu biza kuli akutaze, mi ka zazi le litatama aya inza bulelela batanga mwa litema. Ki hali, “Mulena na ni pilisize maabani busihu mi u ni bizelize ku kutaza kwa mizwale baka.”

¹¹⁷ Mi mafelelezo za fita ku ku muña sibaka kamba muña lona litema lani. A mu bizeza mwahali, ali, “Sambo, Ni bata kuli wena, taha kwanu.” Ali, “Taha mwa ofisi yaka.”

Ki hali, “Eeni, sha,” akena mwa ofisi.

¹¹⁸ Ki hali, “Ki sikamañi se Ni utwa kuli usweli kuhasanya mwa batanga, mwahala balikani bani kwande koo, mazoho aka, batanga baka, kuli Mulena u ku lukuluzi?”

¹¹⁹ Ali, “Eeni, sha.” Ki hali, “Muñaka, Ni mutanga hao.” Ki hali, “Ne ni lekilwe ka masheleñi a hao, kono . . .” Ki hali, “Kono nzila yeo Mulimu ani lukuluzi ka yona maabani busihu, Jesu na ni lukuluzi kuzwa kwa bupilo bwa sibi ni maswabi, ni bupilo bwa lifu. Na ni lukuluzi.”

Ki hali, “Sambo, kana utalusa ona cwalo luli?”

Ki hali, “Ni talusa cwalo.”

¹²⁰ Ki hali, “Ne ni ba utwile ha ba bulela kuli no kalile kukutaza kwanu kwa—kwa sicaba sa hao kwa litema ni libaka zeñwi.”

¹²¹ Ali, “Eeni, sha!” Ali, “Kona ze Ni bata kueza, ki kukutaza Evangeli kwa sicaba sa hesu.”

Ali, “Luli utalusa ona cwalo, Sambo?”

Ki hali, “Ni talusa ona cwalo luli.”

¹²² Ali, “Taha, aliye hamoho kwa—kwa kuta, Ni ka kufa tukuluho ya hao. U lukuluhile ku na, mi u lukuluhile kwa batanga kaufela. Ne ni ku lekile, u wa ka, mi Ni ku lukulula kuli ukone kukutaza Evangeli kwa sicaba sa henu.” Na i lo nyatela pampili ni ku nyatela lipalo, kamba zibiso ya tukuluho, mi a lukuluha. Na sa koni ku lekiswa sina mutanga. Nali muuna ya lukuluhile kuli akutaze Evangeli.

¹²³ A yo kutaza mwahala bana bahabo fa lilimo limo. Batu babañata ba makuwa ba baka ka bulumiwa bwa hae. Zazi leliñwi muuna muhulu yani a shwa. Na sa kutilize ka myaha ye mashumi amalalu kamba mashumi amane, kamba kufitelela cwalo. Mi cwale ha na i lo shwa, na lobezí mwa muzuzu, mi buñata bwa mizwale ya hae ba makuwa ne ba kopani mwa muzuzu mi ba hupula kuli na saile ka lihola zepeli kamba zetalu. Mi cwale ha yo zuha mafelelezo ni kutilima mwa muzuzu, ki hali . . .

“No li kai, Sambo?”

Ki hali, “Oh, kana Ni kutile kwanu hape? Kana Ni kutile hape?”

Se bali, “Ki butata mañi, Sambo?”

Ali, “Oh, Ne se ni silezi mwa Naha ya mwabuse.”

Se bali, “Lu bulelele zateni.”

¹²⁴ Ki hali, “Kihande, Ni tile fela, Fapila Hae.” Mi ali, “Hane Ni yemi fani,” ki hali, “ne kuna ni Lingeloi lene li pahama, ali, ‘Kana libizo la hao, Sambo ki la Kuli-ni-kuli?’”

Ki hali, “Eehe, sha, ki lona.”

Ki hali, “Taha kena.”

“Na kena mwahali, mi Na Mu talimela ali kuina fani.”

¹²⁵ Ki hali, “Sambo, taha kwanu cwale, u ma no Mu bona Ni bata kuli u tahe kwanu, lu bata ku kuifa lisila la hao, lu bata ku kufa harepa ya hao, lu bata ku kufa mushukwe wa hao.”

Sambo ali, “Usike wa ni bulelela za liharepa, mishukwe, ni liapalo.”

Ali, “Kono u winile mupuzo, lu bata ku kufa mupuzo wa hao.”

¹²⁶ Ali, “Usike wa bulela ku...za ka...ka za mipuzo.” Ali, “Tuhela fela ni yeme ni ku Mu talimela fa myaha ye sikit. Wani ikaba mupuzo waka.”

¹²⁷ Ni sepa kuli cwalo kona mo lu utwelanga kaufela, “Ni konise fela kuyema ni ku Mu talima.” Oh, Ni lukela kuba ni mubili o shutana kufita mo Ni bezi cwale, kalulo kaufela ya mubili wa mina kuli ni Mu talime fela.

¹²⁸ Kwani Joani ayema mi a Mu bona inza inzi fa Lubona, mi Yena “na bonahala inge licwe la jasper ni sardia.” Cwale, lika kaufela ni linzwi kaufela lina ni taluso mwa Bibele. Cwale, “jasper ni sardia.”

¹²⁹ Cwale, haiba mu ka lemuha, li swalisana ni Mañolo amañwi kaufela. Kwa mulaho mwa libaka za Mañolo, Nali yena Alfa, Omega, Nali yena Makalelo ni Mafelelezo, Nali yena Wapili ni wa Mafelelezo, Nali yena Ndare, Mwana, ni Moya o Kenile. Nali yena “kaufela” ne li beilwe ku Yena. Mateu 17 i bonisa kuli Na...fahalimu a Lilundu la Petuho, kaufela ne li kopanezi ku Yena.

¹³⁰ Cwale, “jasper” neli-neli licwe, ni “sardia” neli licwe. (Cwale, lu ka fita fa mibala ya yona kasamulaho nyana.) Cwale, Ni bata kuli mulemuhe kuli ufi ni ufi wa mapatriareka hane ba pepwa, eehe, mutu kaufela, una ni licwe leliyemela kupepwa kwa hae. Laka, Ne ni pepilwe ka kweli ya Lungu, daimondi. Mi likweli ze shutana li yemela macwe a shutana. Kihande, mapatriareka neli nto yeswana. Nako kaufela yeo mupatriareka, ha na pepwa, nana ni...nana ni licwe la kupepwa kwa hae.

¹³¹ Mi ka kuyema fela ona fa nako nyana. Fani bashemi ba Maheberu bani ba basali...Halu boneni ni ku bonise Linzwi la Bumulimu, mulikani, kuli tumelo ya hao ikone kutoma fa Linzwi la Mulimu. Nako kaufela, ona bahame ba Siheberu bani, hane bali mwa makateñi a kupepa, banze bali mwa butuku bwa kupepa, kuli ba pepe...bana ba, ona manzwi aswana ana bulezwi ka kupepwa kwa hae nabeya muuna yani (ili mwana yana pepwa ki yena) neiba libizo la hae, ni ku mubeya hande mwa sibaka sa Palestine koo aka yo ba fa kutaha kwa Mulena. Butuku bwa kupepa ku mahe yoo! Sina, *Efraimi* italuswa “kwa liwate.” Mwabona? Mi Efraimi a fiwa sibaka bukaufi ni liwate. Mi, ali, *Judah* na talusa...Hani zibi kuli linzwi leo litalusa sikamañi, kono Ne ni ka li batisisa. Cwale, mwabona, fani kona fo Ni sina nako, litaba zekuswani ze, kuli ni litalime hande. Kono

ni kukuta mwa mulaho, ni *Judah*, kaufela ko Juda italusa, ne si talusa sibaka sa hae mwahala bana ba Isilael.

¹³² Mi munge mwa Genese 48 ni 49, mu ka fumana kuli Jakobo, ha na shwa, inza yendamezi fa mulamu wa hae, ali sibofu, na bulezi hande ka swanelo kuli bana bani ko ne ba kaba kwa mafelelezo a lifasi. Mi bainzi hande mwa sibaka sani cwale kuzwa nako ye ba kutela mwa mubu wa bona. Abulelela Josefa, “Wena u kota ye beya miselo bukaufi ni limota,” mwabona, “bukaufi ni siliba,” kona mezi. Ki ha ya. Mi ali, “U sepile ku Mulena Mulimu. U ezize bu—bu buta bwa hao ka kutiya” (United States. Mwabona?) “ku Mulena, kono zazi leliñwi kota yani ne i kutela kwa limota.” Mi ki yani fani, ona fani cwale. Ona cwalo fela mwana bulezi myaha ye likiti zetalu kwa mulaho, ku kutela kwa mulaho. Abulelela Efraimi kuli na cimbekile mahutu a hae mwa oli, mi Efraimi a yaha ona kwani ko kuna ni oli yeñata hande. Ona cwalo fela.

¹³³ Mubulelelo wa sicaba sani, neli sikamañi sene sili fa batu bani? Mulimu kunga mibili ya bona ni ku zamaya ku yona!

¹³⁴ Ne ku bonahala inge MPI ya Maroma ha ne i ba hasanya, babañwi ha ne ba ba hasanya, ha ne ba toixa ki Hitler, likiti ze mashumi amañata ka likitikit, na kenya milyani mwa misinga ya bona mi ba shwa, mwakona kubona mibili ya bona ha i nyendaela fa makwakwa ni limbututu za bona ni lika zeñwi kaufela, ni masapo... ni kunga kupanga mununo fa masapo a bona. Ku ba kasheza fela kwande ni ku yo tabaka lindonga, ku ba nepela mwa kocikala. Mi kipeto ba zwela fande, nako ba zwela fande, neba ka kukala, ne ba opela kuli, “Mesia uka taha mi lu ka nwa mali a veine hape.” Ha ba ya cwalo, inge ba shwa, Majuda bani, inge ba zamaya cwalo kwani, ka kuziba kuli kunata nyana ko kuñata mi lipilu za bona li ka fela kuletuka. Mi kipeto ba ya cwalo, inge baopela kuli, “Lu ka bona Mesia cwananoñ.” Oh, mawi! Kupanga mununo fa masapo a bona.

¹³⁵ Buñata bwa mina masole mwahali mo mwa ziba cwalo mi mu li boni. Ne ni yema mwa sibaka mo ne baba cisezanga ni zeñwi kaufela, kwani, Hitler ni babañwi. Mi amutalime Stalin ni Russia ni bona kaufela, ba eza nto yeswana. Yeo ki niti. Kono Mujuda yani, neli butata mañi? Na etelezwi kukutela kwa mubu wa habo. Kwani kona ko ba yemi.

¹³⁶ Cwale, Ni na ni filimu yeli, *Mizuzu Yemilalu Kufita Fahala Busihu*. Mi Majuda bani hane ba kena, ne ba sweli kuba buza, bali, “Kiñi ze mu kutela, ku to shwela mwa naha ya mina?”

¹³⁷ Bali, “Lutile ku to bona Mesia.” Amen. Hmm! Lu kwa nako ya maungulo.

¹³⁸ Ufi ni ufi wa bana bani hane ba pepilwa, nebana ni licwe la kupepwa kwabona. Mi cwale Aruni, muprisita yomutuna wa ufi ni ufi wa bana bani, nana ni sapalo sa fa sifuba ku yena, sapalo sa hae. Sani kona se Ni bata ku swalelela ku sona hanyinyani

fela, kuli ni kene mwa timana ya 6 ye, kakuli zeo litisa sisupo kaufela sa Testamente ya Kale kukena mwateni. Kaufela... lipula kaufela ni lika kaufela mwa Testamente ya Kale neli mufuta wa ze ne bonwi mwa Lihalimu, ku zamaeleta ni mutu.

¹³⁹ Mi ki se fa siapalo sa fa sifuba sa Aruni, yanali muprisita yomutuna. Mulemuhe, licwe la kupepwa kwa lusika ni lusika ne li yemelwa kwani. Alimuñwi, licwe la kupepwa, abeya licwe la hae mwateni; lusika lwa Efraimi, lusika lwa baha Manasse, lusika lwa Gadi, lusika lwa Benjamine, kaufela ona na yemelwa mwahali mo. Mi cwalo kona... Mi banga macwe a kupepwa ani, ona macwe amande ani, ni ku a paheka fa musumo sina cwana. Mi haiba mupolofita na polofita, mi haiba ne li ka utwahala hande kamba nee, ne ba muisa kwa Urim Tummimu ye ni ku mu bulelala kuli ataluse sipolofita sa hae; haiba kuna ni Liseli le li kenile le li ka monyeha fateni kukala ku monyeha fa macwe aa hamoho, neli Mulimu ya na bulela kwa ka kupaka. Neli ka lusika kaufela, kaufela bona, lusika lufi kaufela.

¹⁴⁰ Cwale, ku zee, licwe la pili. La pili, ki ba bakai baba ziba yo mwana wa pili nali yena? Neli mañi libizo? Rubeni. Ku lukile. Neli mañi wa mafelelezo? Benjamine. Yeo ki niti. Licwe la kupepwa kwa Rubeni neli "jasper," licwe la kupepwa kwa Benjamin neli "sardia." Ha na talimwa Na bonahala inge "Rubeni ni Benjamine," wa Pili ni wa Mafelelezo, Yena ya Na liteni, Yali Teni, mi Uka Taha, Nali yena Alfa (A) mwa alfabeti ya Sigerike, Omega (Z) mwa alfabeti ya Sigerike. Nali wa Pili, wa Mafelelezo, Na zwa ku Benjamine kutaha ku Rubeni, kuzwa ku Rubeni kutaha ku Benjamine. Oh, mawi! Ki Yani nali fani, "Mutalime licwe la sardia ni licwe la jasper." Na inzi fa Lubona loo!

¹⁴¹ Kana mina kaufela ne mu ka tabela ku Mu bona inza inzi fa Kanya ya Hae? Ha lu apuleñi mwa Sinulo 21:10, kapili fela, mi lungje fela ku Mu talimela fa. Ku lukile, 21:10 kuisa fa 11.

*Mi a ni isa mwa moyo kwa lilundu lelituna lelitelele,
mi a ni bonisa munzi omutuna, ili Jerusalema ya kenile,
u zwa kwa lihalimu ku Mulimu,*

*Una ni kanya ya Mulimu:... Una ni kanya ya Mulimu:
mi liseli la hae ne li swana inge licwe lelinde hahulu,
mane inge... jasper..., ili le li benya hande ka busweu;*

¹⁴² "Liseli la Hae." Ki Liseli! Liseli ki mañi? "Mi Munzi no sina mukwa wa lizazi, kakuli Ngunyana ki yena Liseli la ona."

¹⁴³ "Jasper, sardia" licwe. Kanya ya Mulimu ki Jesu Kreste, Kanya ya Jesu Kreste kona Keleke ya Hae. Mi Nali wa Pili. Nali sikamañi Yena? Nali yena Makalelo a nako, Ki yena Mafelelezo a nako. Nali yena Wapili kwa mapatriareka, Ki yena wa Mafelelezo kwa mapatriareka. Nali yena Keleke yeneli mwa... Nali yena—yena Moya o noli mwa Keleke ya Efese, Ki yena Moya wa Keleke mwa Laodesia. Ki yena Wapili ni wa

Mafelelezo, A kuisa Z, Pili, wa Mafelelezo, Yana Liteni ni Ya sa Taha, Mubisi ni Mwana wa Davida, Naleli ya Kakusasana, Mulilima wa mwa Libala, ki Palisa ya Sharoni! Oh, kuna ni mianda yemine ni malumbatina amañwi a Bibebe aswanela Yena. Munahane fela ka zona, sa Nali sona! Mi ibo Nali Mulena Jesu ya na pepiezwi mwa sicelo kwa tumbo ya Mulimu.

¹⁴⁴ Sika kaufela se si ikokobelize, mu si talime kakuli si lukile. Sika kaufela se si ipahamisa inge hembe yetundulukile, musike mwa iseza ngana ku sona; mwabona, ki moyo o mutuna hahulu, mi hakuna sika ku ona. Ku lukile.

¹⁴⁵ Cwale, “Na lukela kutilima fa licwe la jasper ni sardia.” Halu kuteni. Kana muna...? Luna ni nako nyana, nji cwani? Luna ni mizuzu ye mashumi amane kihona. Halu lemuheñi, halu kuteleñi mwa Ezekiele 1. Mukutele mwa Bibebe mwa Testamente ya Kale, ku Ezekiele, mi ha lu baleñi fa Ezekiele na Mu boni, ni yena. Mi mubapise Mañolo a cwale ni kubona fo lu zamaela. Ezekiele kauhanyo ya 1, ku lukile, cwale ha lu baleñi fa nako nyana. Cwale Ni ka bala litimana zapili ze ketalizoho, mi kona lu ka bala, Ni ñozi fa, kuzwa fa 26 kuisa fa 28. Kono ha lu baleñi litimana za makalelo cwale za kauhanyo ya 1 ya Ezekiele, mupolofita. Ku lukile:

Mi kwaba kuli ka mwaha wa bu setini, mi ka kweli ya bune, mwa lizazi la bu ketalizoho kwa kweli,... Ne nili mwahala butanga—mwahala butanga kwa nuka ya Kebare, ... (Kana ki niti yeo, Kebare? K-e-b-a-r-e, Kebare.)... mi mahalimu a kwaluha, mi Na bona pono ya Mulimu.

Mi mwa... (Cwale, mutualime)... Ka lizazi la buketalizoho kwa kweli, ili yona kweli yeo mulena Jehoiakimu nali mutanga,

Linzwi la MULENA la taha ku to bonisa Ezekiele muprisita, yena mwana Buzi, mua naha ya... Makaladeya kwa nuka ya Kebare; mi lizoho la MULENA la ba... ni yena.

Mi Na talima, mi, bona, kakundukundu ka zwa kwa mutulo, ...

¹⁴⁶ Mutualime mupolofita yo fa, myaha ye mianda iketalizoho ni nainte-faifi kusikaba kale kutaha kwa Kreste, mubone pono ya hae mo ne tamahanezi ni ya Joani:

...moya wa liñungwa o zwa kwa mutulo, mi lilu lelituna, ...lelina ni mulilo onzo myamyata, nekuna ni liseli le li li ambekile, mi fahala lona ne kuzwanga mubala inge wa sipi ye fubelu, ye zwa mwa mulilo.

Mi mwahala mulilo kwa zwa linto zeswana sina libupiwa ze ne ze pila. Mi ka sibupeho; ne li swanile... batu.

¹⁴⁷ Mulemuhe, mubala wa Moya wa Mulimu o no li fahalimwa libupiwa ze ne ze, neli o mufubelu. Bufubelu ki mubala wa yelo-ni butala hamoho. Cwale, mutualime, "yelo-ni butala," *fubelu*, oh, Ki yaswana maabani...Na i patuluzi Iliyena ku Ezekiele; mwahala pono ya Ezekiele, Liseli le la na boni ha li taha fahalimwa Libupiwa ze ne ze pila neli la mubala wa yelo-ni butala. Ha Na tile ku Joani, Na bonahalile mwa *emerodi* ili mwa "mubala wa yelo-ni butala." Utaha cwale ku musinuli mwa sibaka sa mubala wa yelo-ni butala. Utaha ku luna ka mubala wa yelo-ni butala, ili Liseli! Mu zamaye mwa Liseli, Ki yena Liseli.

¹⁴⁸ Ha lu fiteñi fa timana ya 26 cwale, kuli lukone kubala ku ya 28. Timana ya 26:

Mi fahalimwa lih-...

Oh, ha mu ka fita kwa malapa, Ni bata kuli mu ñole seo ni kubala siemba sa sona kaufela. Lubuluke nako:

Mi fahalimwa lihalimu lene li fahalimwa litoho za zona neli licwe, sina licwe la sardia: mi fahalimwa se ne sibonahala inge lubona ne ku na ni sibupeho sa mutu fahalimwa...sona.

¹⁴⁹ Yani neli Mwana mutu, mwabona, Kreste. Cwale mutualime mwa Na inezi, mwa Na apalezi faa:

Mi Na bona sina mibala ya yelo-ni butala, (mutalime, kupotoloha Mwana mutu yoo) sina mubonahalelo wa mulilo mwahala ona—mwahala ona, kubonahala kukalela mwa teka ya hae...

¹⁵⁰ Muteeleze! Mube ba moyo, mube ni kutwisiso, mi mwa lipilu za mina mo. Na mi kalimela ka Libizo la Jesu, mu buluke taba ye mina bañi! Kono muhupule fela mo mibezi yende!

¹⁵¹ "Kina—..." Ha lu kaleleni hape mwa timana ya 27. Muteeleze, mañi ni mañi! Mube ni kutwisiso ya niti cwale!

Mi Na bona inge mubala wa sipi yefubelu (wo mubala wa yelo-ni butala), sina mubonahalelo wa mulilo o nzo myamyata...ona,...

Mulilo opotoloha kwa mubala wa yelo-nini butala. Cwale:

...kuzwa fo ne kubonahala teka ya hae ni kuya kwahalimnu, (Kuzwa mwa teka ku kambama.) ni kuzwa fone kubonahala teka ya hae...ili kuya kwatasi, Na bona inge mulilo, mi liseli li mubeile mwahali. (Mulilo kaufela.)

Mwa bonahalela nambwamutalati ha taha mwa lilu zazi la pula, ki mo ne liinezi liseli le li mubeile mwahali. Ne li poniso ya mo i bonahalela kanya ya MULENA. Mi ha Ni mubona cwalo, Na welafafasi ka pata, mi Na utwa linzwi la yomuñwi ya bulela.

¹⁵² Mutualime! Kana mu itukisize? Muteeleze! Mubuluke se cwale, muhupule fela, kuli muzibe. (Gene, wakona kubuluka tepu ye.) Muteeleze! (Batili, Ha ni lukeli ku yemiseza foo, zeo li lukile. Ni talusa kuli kubuluka tepu; ihasanye kwa Keleke.) Mulemuhe se! Cwale, kuli mukone kuziba mubala wa Liseli o zamaya ni Mulena, mi Liseli la Mulena le li latelela Mulena, mi kuswana inge kuli Mulena, ki wa mubala wa bufubelu, ni wa yelo. Wani kona mubala o swana wa Liseli le li inzi ni luna kacenu, sina ba sayansi ha ba swanisize siswaniso sa Lona, sa mubala wa buñanda-talukeke ni butala, bufubelu.

¹⁵³ Hane ni sali mushimani yomunyinyani, mi Ni Li boni ka nako yapili, mwa hupula, batu ba kale mo. Na kamita ni mi bulelezi siswaniso sa makalelo si si ka kopiwa kale, “Ne li mubala wa yelo, ye fubelu cwalo.” Cwale, ka ku mi zibisa kuli Moya wa Mulena...

¹⁵⁴ Na ize, fani ha na boni mwa liteka za Sibupiwa sesipila sene si yemi papila hae, “Kuzwa mwa teka ya hae kuya kwahalimu nekuswana sina mulilo, Liseli kuzwa mwa teka kutaha mwatasi, na apesizwe ka Liseli. Mi kwa matuko kaufela nekuna ni mibala yemiñata inge ya nambwamatalati.” Kana ku cwalo?

¹⁵⁵ Ni bata kuli muhupule, Mulimu u sa inzi mwa mibala yeswana, “kuzwa mwa liteka kutaha kwahalimu, mulilo, mubala wa bufubelu,” na swanisizwe ki kamera ya mafilimu kamba kamera yebonisa mibala ka mo iinezi, “bufubelu kuzwa mwa teka kutaha kwahalimu, kuzwa mwa teka kutaha mwatasi, ni libaka zeñwi kaufela, mibala yemiñata inge mwa nambwamatalati mwa mybyumbyulu kasamulaho wa pula.” Jesu Kreste wa swana maabani, kacenu, ni kuyakuile! Moya o Kenile u sa li mwa mata a Hae, u sa li mwa Keleke ya Hae mwa mazazi a maungulo a. Ki fo he cwale. Isiñi na, Ne ni yemi fela fani, kono neli siswaniso sene si swanisizwe. Ni bata kuli mu si talimisise, ona cwalo fela za na boni Ezekiele. Mibala ye swana, ka nzila yeswana, ni kueza ka nzila ye swana, ni ku bupa ka mukwa o swana, wa Libupiwa ze pila. Ki sikamañi seo? Libupiwa ze pila li yemela Keleke yepila, yona Keleke yepila ka mata ni zuho ya Kreste. Ona mibala ye swana yani i kwahezi kuzwa mwa teka kuya kwahalimu, ni kuzwa mwa teka kutahafafasi.

¹⁵⁶ Hakusana kunuha hape, sayansi se i ngile kale maswaniso! Mutualime mibala ya yona, mutualime fela mibala ya mulilo mwateni. Mwabona? Ki nambwamatalati. Mutualime mubala wa emerodi ya mubala wa buñandatalukeke ye. Cwale, fa kamera ye, neli fela kamera ya muswanisi yayemi fela hande. Fa kamera ye nekuna ni mubala obonahala, ka maswaniso ateni, mubala wa Kodachrome. Mutualime mibala ya emerodi mwateni. Kambe Ne ni kanga liseli kokuñwi ko ne mu ka libona kwa mulaho. Kana mwa bona cwale? “Kuswana sina nambwamatalati,” mutualime fa mibala ye taha kwa mulaho ni kwapata inge nambwamatalati, yeñwi ni yeñwi ki mubala o shutana. Lu ka kena ku zeo

mwa mizuzu yelikani, mibala yani ki sikamañi mi i bonahalisa sikamañi?

¹⁵⁷ Oh! Seo si ezanga pilu yaka ku tutula tabo. Mi ka kuziba kuli mwa lizazi le lupila ku lona le, kuli Kreste... fo libaka zeñwi kaufela ha lili lishabati, libaka zeñwi kaufela. Na sepa, "Kiñi ha Ni sa koni kuziba cwalo? Kiñi ha Ni sa koni ku Li bona?" Lifasi ne li sa lukeli ku Li bona. Lifasi halina ku Li bona, habana ku Li bona! Kono Keleke i sweli kuamuhela nyungano yetuna ku ye Ikile yaba ni yona!

¹⁵⁸ Mwa mazazi ani ne ba sa koni kuswanisa siswaniso sa Sona. Bakona cwale kakuli bana ni lisipi zateni mwa lipangaliko. Bona baba lika kunga lisipi kuli ba latule Mulimu, kona ba ba taha kwa mulaho ni ku to paka kuli kuna ni Mulimu. Yeo ki niti, "Emerodi." Cwale, mwa eupula, Ha ni si ka ikupulela seo, Ni sweli kubala ku mina ka kuzwelela mwa Bibele. Mutokomele ha Ni bala, ni kutalima, mi mubone Ki Mulena Mulimu ya swana, hakuna shutano. Mutualime timana ya 27:

*Mi Na bona...mubala wa bufubelu, sina
mubonahalelo wa mulilo...*

¹⁵⁹ Mwabona, sina malimi a yekauka a mulilo. Mwabona? Mibala ye fubelu izwa mwa mulilo. Mwa bona cwale? Bufubelu, ye ki mibala ye zwelela kwa mulilo. Fafasi fa ibulela ili:

*Mi mubonahalelo inge wa buta, kamba
nambwamutalati, mwa mazazi a pula,...
nambwamutalati, mwa mazazi a pula,...*

¹⁶⁰ Mi nekuna ni—ni "Sibupiwa se si pila." Sa na yemela Joani, yona Keleke kaufela, ye ne i zusizwe. Ne ni mi bulelezi. Mutu alimuñwi mo mwa pono wakona kuyemela Mubili kaufela wa Kreste, okwanile! Cwale, mutualime:

*Mi Na bona...mubala wa bufubelu, inge
mubonahalelo wa mulilo... ku ona, mi
mubonahalelo...kuzwa fone kubonahala inge mwa
teka ya hae kutaha kwahalimu, mi kuzwa kwa teka ya
hae kutaha mwatasi, Na bona inge mubonahalelo wa
mulilo,...*

¹⁶¹ Mutualime, *mutalime* mulilo osweli kumyamyata. Uzwa kwa sikamañi? Mwa nambwamutalati, mibala ye sebene. Cwale, mutualime, kuna ni mibala ye sebene yekwanile *mwateni*, mi nambwamutalati una ni mibala ye sebene.

*...Na bona kuli neli kubonahala kwa mulilo, mi no
benya ni mwa sibaka kaufela.*

*Sina mubonahalelo wa buta oli mwa malu ka zazi
la pula, kona mo ne kuinezi ni mubonahalelo wa liseli
lelituna mwa matuko. (Neli ku potoloha Lubona lwa
Mulimu, mwabona.) Ye neli pono ya siswaniso sa kanya
ya MULENA.*

¹⁶² Isiñi *Mulena*, cwale, *kanya ya* Mulena. *Kanya ya* Mulena i apesa Keleke ya Hae kakuli Ú mwa Keleke ya Hae! Amen! Oh, si utwahala bukuba ku baba sina ngana, kono ha ki taba kwa bunde ni yeo ku baba lumela. Uh-huh.

... *Ye neli pono ni siswaniso sa kanya ya MULENA. Mi ha Ni bona cwalo, Na wa ka pata, mi Na utwa linzwi li bulela...*

¹⁶³ Cwale uwelapili kubulela zene i talusa pono, zeo lusina nako mane ya kukena ku zona kakusasana cwana.

¹⁶⁴ Cwale, mulemuhe ka mo Mulena mwa sishemo sa Hae sesituna ulufile lika ze.

¹⁶⁵ Cwale ha lungeni nto isili. Bubeli bwa Ezekiele ni Joani ne ba Mu boni mwa kunutu ya mibala ya Hae ni Liseli, mi ba Li biza kuli “mubala wa bufubelu.” Joani kasamulaho... Mina baba sweli kuñola... musweli kuñola Mañolo, Joani Wapili 1:5 kuisa 7. Joani, kasamulaho (mi nali fa sooli sa Patmosi mwendi ka myaha yemilalu ha na ñola Buka), ha yo kuta, muuna muhulu mwa bana ba hae, mwa Joani Wapili 1:5 ni 7, na ize, “Mulimu ki Liseli.” Joani nabile ni kutwisiso, na Mu boni mi a ziba kuli Nali Liseli, Liseli, Liseli la Kuyakuile; isiñi liseli la kozimiki, isiñi liseli la lambi, liseli la malaiti, liseli la lizazi, kono Liseli la Kuyakuile! Oh, mo Ni Mu latela. “Mulimu ki Liseli.”

¹⁶⁶ Mulemuhe, lu ka kalela kwa mulaho cwale ni kubona fo lu zamaela. Fa timana ya 3 kanti, nji cwani? Kana lu ka Li utwa nji? Na sepa. Ku lukile:

... *na...na bonahala inge licwe la jasper ni la sardia: mi nekuna ni nambwamutalati...mwendi lubona, mwa meto inge a emerodi.* (Mubala wa yelo- ni butala.)

¹⁶⁷ Cwale, “nambwamutalati,” mu lemuhe neli nambwamutalati. Ha lu kuteleñi mwa Genese 9 ni kufumana nto yeñwi, mwa Genese 9:13. Mi lu ka fumana kwa mulaho kwanu kuli “nambwamutalati,” fani nambwamutalati ha i to bonahala. Genese kauhanyo ya 9, mi lu ka kalela fa timana ya 13, Genese 9:13. Kaufela mina mwa lata Se kana? Oh, Na Li lata! Ha ni Li lati fela, Na Li lata! Mutualime:

Ni beile buta bwaka mwa malu, mi ikaba ka zibahazo (Mulemuhe!), *zibahazo ya bulikani ini mwahali aka ni lifasi.*

¹⁶⁸ Sikamañi? “Mwahala Ka ni Nuwe”? Batili. “Mwahala Ka ni lifasi.”

Mi ku ka ezahala kuli, ha Ni ka tisa lilu kuapesa lifasi, *kuli buta bu ka bonahala mwa lilu:*

Mi Ni ka hupula buitamo bwaka, bo-bo ni beile *mwahala ka ni mina...*

¹⁶⁹ Cwale Ataha kukutela buitamo bwa Hae mwahala bona, kono buitamo bwa nambwamutalati... Mwabona, buitamo neli bupilo ku Nuwe, kuli Na mu bandusize, kono bulikani bwa na itamile Mulimu anosi yena Kasibili neli nambwamutalati, kuli Na sike ku... Cwale, Ni ka mi bonisa buitamo bwa Nuwe mo ne buinezi ni Mulimu, mwa muzuzu fela. Kono bo fa ne li buitamo bwa Mulimu ni Yena kasibili, amen, ki nambwamutalati.

¹⁷⁰ Cwale, lu fumana kuli *buitamo* kanti ki “zibahazo,” ki zibahazo. Mulimu na bulezi kuli neli “zibahazo” fa, nji Cwani? Mwabona?

Ni...toma za...Ni beya buta bwaka mwa malu,
(Fani ki kasamulaho wa sinyeho ya lifasi, hali sinyiwa
ka mezi; nama kaufela, kwanda Nuwe—Nuwe, neba
bulailwe.) *mi ikaba ka zibahazo ya bulikani mwahala*
ka ni lifasi.

¹⁷¹ Isiñi “Na ni lifasi.” *Lifasi* foo ki “kosmos.” Mwabona? Kono le ki “mwahala Ka ni lifasi mubu.” Mulimu ali, “Ni ezize lifasi. Mi Ni boni bumaswe bobuli ku lona, kuli Ni li fetuzi fela ni ku li shandaula mwa liembaemba. Mi—mi Na—Na—Na—Na—Na ne ni sa lukeli kueza cwalo, mwendi.” Ki hali, “Ne—Ne ni swabile, neli nto ye sabisa hahulu.”

¹⁷² Mu nahana cwani ha Na ka taha mwa buhali bwa Hae cwale? Ube hande, mulikani tuwe wa muezalibi.

Oh, mutualime ni kulibeleta kubona pono yani,
Wa taha hape.

Mwa lumela cwalo?

Wa taha hape.

Na lata cwalo, mina bo?

Oh, kikuli uka baliwa kuba alimuñwi wa lila
za Hae?

Hani lati kuba cwalo. Kana mina kucwani? Batili, sha. Ube sila...kamba, ube wa Hae, kuba ni Yena kona bunde. Kono ku Mu lwanisa!

Kusina litiba mwahali, inge ni talimela ni
kulibeleta kubona pata yani,
Wa taha hape. (Hmm!)

¹⁷³ Cwale, bulikani, zibahazo ya sikamañi? Zibahazo ya sikamañi? Ya sitabelo se si amuhezwi kale. Cwale hamunge Genese 8:20 ni 22. Cwale, Genese 8:20 ni 22, ku lukile, fabuse fela bwa likepe ki yona.

Mi Nuwe ayaha aletare ku MULENA; mi anga...
sibatana kaufela se si kenile, mi...nyunywani yekenil
kaufela, ni sitabelo sa kucisa sitalekwe fa aletare.

Mi MULENA a utwa munko omunde; mi MULENA ali mwa
pilu ya hae ali, Hanina ku kuta mubu hape (ku kuta

mubu) *bakeñisa mutu kaufela; kakuli minahano ya pilu ya hae ki bumaswe fela kuzwa kwa bwanana bwa hae; mi mane ha Ni sa sinya nihaiba nto ifi kaufela ye pila, sina mo Ni ezelize.*

- ¹⁷⁴ Mi cwale lwakona kubala timana ya mafelelezo:

Mi... *Lifasi ha li sa li cwalo, nako ya lipeu ni kutulo, . . . kubata ni kucisa, . . . mbumbi ni malilha, . . . musihali ni busihu habuna kufela.* (Ki bulikani.)

- ¹⁷⁵ Ki nto yeswana yana boni Joani: Jesu, Mulimu u amuhezi bulikani bo bu beilwe mwa lihalimu. Ni fahalimwa Hae kupotoloha neku na ni nambwamutalati opotoloha Lubona, mwa meto halitalimwa inge Liseli la mubala wa bufubelu ni butala kwa Lubona. Ku lumbwe Mulimu!

- ¹⁷⁶ Mutualime! Ya Nuwe ne i nani... nambwamutalati ya Nuwe neina ni mibala ye sebene. Mutu kaufela wa ziba nambwamutalati una ni mibala ye sebene. Cwale, mibala ki sikamañi? Bufubelu, olonji, ni violeti, batili, bufubelu—bufubelu, bufubelunya... butala, bundilu, indigo ni violeti. Yeo kona mibala ya nambwamutalati. Cwale, luna ni nto ye tungile fa, mi Ni ka fita fela fa litaba zabutokwa fela za yona kakuli nako seifelile. Cwale, muhupule, bufubelunya, kamba, bufubelu, bufubelunya, ñandatalukeke, butala, bundilu, indigo, ni violeti.

- ¹⁷⁷ Cwale, haiba mulemuha, sebene. Mutualime. Nambwamutalati a sebene... mibala ye sebene, Ni taluse, nambwamutalati wa mibala ye sebene. Sani ne si talusa buta bo busebene! Buta bo busebene, likeleke ze sebene ze monyeha maseli a sebene, liseli leliñwi kaufela likeni ku leliñwi. Ne ikalile ka bufubelu, bufubelu. Kasamulaho wa bufubelu kwataha bufubelunya, ili kubonahala kwa bufubelu. Kasamulaho wa bufubelunya... kasamulaho—kasamulaho wa bufubelunya kutaha mubala wa yelo, yeli ye bufubelu bobukopani ni bufubelunya hamoho, kona ze eza mubala wa yelo. Mi kutatama butala. Butala ni bundilu kona bobueza bunsu. Mi kiha kutaha indigo. Mi kutaha violeti, ili siemba sa ndilu. Haleluya! Kana ha muboni nji? Mulimu, mwa nambwamutalati ya Hae yepahami, bulikani bwa Hae bwa Na ezize, bulikani bo bu fita mwa Masika a Likeleke Zesupa, mibala ye supile, Na ka pilisa lifasi.

- ¹⁷⁸ Ki sikamañi sa Na ka eza? Muhupule, Na li bupile ni lifasi, mubala wa Hae. Kono cwale mutualime. Nambwamutalati ye fela, yenamile, i apesize fela (mwa buta) licika la lifasi. Yani kona nambwamutalati ya Nuwe ya mibala, fela... ne i kwahela fela, licika la lifasi. Ne li mwa mufuta o obami, kona fela ze mukona kubona. Kono cwale Joani hana *Muboni* mwa mubala wa Hae wa emerodi, Na potolohile Lubona lwa Mulimu kaufela. Licika leliñwi lateni ha li si ka bulelwa kale. A apesa... Yena fela...

lifasi kueza fela mukwa o obami, ki licika fela la yona; ao kona masika a likeleke.

¹⁷⁹ Kono cwale Joani a Mu bona mwa mubala wa bufubelu wo, mubala wa bufubelu, A potolohilwe ni ku apala inge musumo wa liseli. Ki lumonyi! Lumonyi lwa mubala wa bufubelu, inge Lu potolohile sibupiwa sa Hae! Mwabona? Mubala ulimuñwi, Mulimu alimuñwi mwahala lika kaufela, ni mwahala zona kaufela, ni kuzona kamukana, kono kuna ni Masika a Likeleke Zesupa.

¹⁸⁰ Mutualime daimondi yende. Ne lu li fumananga . . . mwakona ku li fumana mwa Africa inge liyambalakani fela mwa mikwakwa. Ha mu lukeli ku buluka iliñwi, kakuli ha i si ka pumiwa. Ha muna ni iliñwi ye si ka pumiwa, ba ka mi fa mulatu ka yona cwale, ni ku mifa beya mwa tolongo ka kuibuluka. Muna ni, mu itise mu sa ifumana fela.

¹⁸¹ Cwale, bana daimondi ye... Oh, ki nto yetiile. Ni boni mushini omutuna o bukiti ka matani a mashumi amane uyema sina *cwana*, ba sela mwateni licwe lelibizwa bluestone lani, kuli sita mwateni, u pwaca licwe lani lani kuba fela sina mufuse, kono hauna ku shanauna daimondi. Ona bukiti bobu likana matani amashumi amane bwani bobu lepelela fa makopanelo apikuluha, fa halimu *fa*, inge bu pikuluha ni lisipi zani sina cwalo, ki ku pwaca fela licwe lani mwa liembaembia; kono daimondi ika fita hande ku lona, ika nyanganyisa ona mushini obukiti wani matani amashumi amane hande. Oh! Ha li lubiwa ni kutaha ka kufita mwa sefa, ya sefa lisefa zeñwi, ya tapiswa mi kona i shetumuka kwa neku kuli ikuke kapili.

¹⁸² Muzamaisi wa Mikoti yemituna ya kwa Kimberley Daimond Mines neli alimuñwi wa balibeleli baka kwani mwa mukoloko, ya ikokobelize luli, muzwale yomunde.

¹⁸³ Mi cwale ka liñokolwa zetalu fahalimwa mezi ani, fona fa fitanga, kubeilwe bulota bwa Cosmoline fateni. (Mwa ziba, ki—ki cwani mo mu bizeza lika zani? Ki... Meda, ki sikamañi se lunani mwa kabatgi mwani? Vaseline!) Mi lu beya ona Vaseline yeo, mwendi butelele bobu likana inci mwa mubu, kwa neku leliñwi ko ku fitela lisipi zani. Mi ya tuluka, mi mulemuhe, nako kaufela licwe ha li ka taha fahalimu, li ka kasheza mafula a Vaseline ani; kono cwale daimondi ha itaha fahalimwa yona, ika swalana. Daimondi i omile mi ika lamatela kwateni. Ni ba boni ha ba li nopanga, neba zona zenyinyani zani, ni ku li kauhanya ka magilasi a kutina kwa meto. Mi Na ba buza sene ba ezeza cwalo, se bali neba li lekiseza kwa America kwa kakuli lindonga za Victrola ni lika zeñwi; neliske kusinyeha, mwabona.

¹⁸⁴ Kono ona ma daimondi amatuna ani, cwale, ki ani fani, ki sikoto fela silisiñwi sesituna. Kono cwale... Ba linga ni kunga mishini ya malaiti ni ku ipazula, ni kueza daimondi ye pumilwe.

Mi cwale ha ba i puma, ki kubonisa mibala ye sabisa ya yona ya moibupehezwi, mi i ka bonisa mibala ye sebene, hape.

Oh, kuli mane Jesu . . .

¹⁸⁵ Oh, mwakona kuba ni masheleñi amañata, mwakona kuba limota za ma Cadillac zeñata, wakona kuba mulisana wa ndu yetuna ya litupu kamba muyaho wa lika zeñwi, wakona kuba bishopu kamba bishopu yomutuna, kono, oh, muzwale, ha u fumana Licwe la butokwa lani, yona Daimondi yani, mutu ulekisa sifumu sa hae kaufela sa nani, u ka itoboha sona, lika zeñwi kaufela.

¹⁸⁶ Mutualime mwalanjo ya lobezi. Oh, ki sikamañi sa na ezize? Nana ni kulekisa sesiñwi kuli aleke Oli ya hae. Ki sikamañi sa na lukela kulekisa? Lituto za hae za kale ni likopano ni lika zeñwi. Na lekisize zana nani kaufela kuli afumane Kreste, Kreste, yena Licwe lelinde lani. Jesu, mibili wani . . . [Hakuna manzwi fa tepu—Mu.] . . . ? . . . Nina ni situpa sa kuya kwa Lihalimu nako ye sitaha sitima, kakusasana omuñwi wa linako ze nsu ze. Oh, ha ki mbuyoti ni yeo!

Oh, ki sibuba kwa bunde sani
Se si ni kenpisa twaa sina litwa;
Ha ku na siliba se Ni ziba,
Konji Mali a Jesu feels.

¹⁸⁷ Hakuna kabubo, hakuna lika zetuna, hakuna sika, hakuna sifumu, hakuna—hakuna sika kaufela, munife fela Sibuba sesinde sani. Ku felile!

Hakuna se Ni tisa mwa mazoho aka,
Kono Ni kumalela kwa Sifapahano sa Hao.

¹⁸⁸ Ona Licwe tuna lani! Neli sikamañi Sani? Neli le li petehile. Neli ka myaha ye mashumi amalalu ni yemilalu ni licika ya kupepwa Mulimu ha Li beya mwa mushini omutuna o kasha lika, ha Na Li hapile kwani ni kukala ku Li bupa sinca. Na Li lemaka, Na Li nata, Na Li holofalize.

. . . na holofalezi libi za luna, . . . u titikezwi bumaswe bwa luna: koto ye lu fumani kozo ka yona iwezi yena fahalimu; mi halu folisizwe ki ka miupa ya hae.

¹⁸⁹ Ki sikamañi sa na ezize Mulimu ku Muuna ya petehile yani? Kuna ni fela alimuñwi wa bona mwa lifasi, alimuñwi fela mwa lifasi, mi yani neli Yena! Mi Mulimu a Mu holofaza kulo fa, “Na holofalezi bumaswe bwa luna.” Kakuli Ne nili muezalibi, A lumeleza Liseli la nambwamatalati la Masika a Keleke ya Hae a Sebene inge li monyeha fahalimwa ka, ka kuziba kuli Na holofalezi bumaswe bwaka.

¹⁹⁰ Ki yeo nambwamatalati ya mina yensu. “Na holofalezi bumaswe bwa luna, koto ye lufumani kozo ka yona iwezi Yena fahalimu, ka miupa ya Hae lu folisizwe.” Mulimu a Mu pazula, ni ku Mu holofala, ni ku Mu nata, ni ku Mu puma, kuli Akone

kumonyeha liseli ka litombo za Hae ze shwa, swalelo ya sibi, tabo, kozo, pilutelele, bunde, kuishuwa, musa. Mioya ye sebene ya Mulimu ki miselo ye sebene ya Moya ye ka bonahalela kwa sicaba sa Hae. Na holofalizwe, a eziwa ni kubupiwa, kuli Liseli la Mulimu li benye mwa mubili wa Mutu alimuñwi yani kuli akone ku liulula lifasi kaufela; “Ha ni ka zwiswa mwa lifasi, Ni ka bizeza batu kaufela ku Na.” Mutualime mibala ya nambwamutalati yani hainze i imoneyha.

¹⁹¹ Kono cwale Joani ha Mu bona fa, neli sikamañi sani? Lizazi la kuliulula la fela. Ne se kufelile, kacwalo a Mu bona mwa buino bwa Hae bwa makalelo, mubala wa bufubelu. Isiñi fela licika la lifasi, likona fela kuba...lizazi, likona fela ku monyeha licika la lifasi fa nako, mwabona, hanze li potoloha cwalo. Kono nako yani Joani ha Mu bona, Na inzi kuli atalime licwe leliswana sina jasper ni sardia, mibala ye fubelu; kukopanya zepeli hamoho, muba ni bufubelu. “Mi ni mubala wa bufubelu kupotoloha Lubona!” Oh, mawi! Oh, Na—Na mi bulelela, kuli fela...ne lu ka zwelapili cwalo fela.

¹⁹² Mioya ye Sebene, mibala ye sebene, masika a likeleke ze sebene, bakutazi baba sebene, maseli a sebene, lika kaufela li mwa bu sebene. Mulimu u petehile mwa bu “sebene.” Mulimu na sebeza ka mazazi a silezi; lizazi la busebene, A pumula. Lifasi li ka pila myaha ye sikisi sauzande, mi sikit sa busebene ki Mileniamu.

¹⁹³ Mulemuhe, *mwa sikwenda fela sa licika*, “licika ha li si ka zibahala kale.” Cwale, kaniti lika ze liyemela nto yeñwi.

¹⁹⁴ Cwale, mwa Exoda 23:13 ni mwa Maheberu 6:12, Mulimu na itamile bulikani ni Yena kasibili ni ku konka ka Yena anosi. Maheberu :13 ya lu bulelela kuli, kamba 9, :13, kuli “Na konkile ka Yena anosi.” Nekusina yomutuna wa ku konka ka yena nako Ya bulelela Abrahama ni Isaka, kwani Na bulelezi Abrahama kuli Na ka iswala bulikani ni yena, bulikani bwa kuyakuile. Mulimu... .

¹⁹⁵ Bulikani bu ezizwe ka buitamo, kacwalo hakuna mutu... Mu konka ka mutu yomutuna kufita mina; u ikungela buitamo ni ku konka ka bomaho, u konka ka naha ya hao, u konka ka sesiñwi, u konka ka Mulimu. Kono ha u koni ku konka konji haiba ki mutu yomutuna kufita wena.

¹⁹⁶ Mi nekusina mutu yomutuna kufita Mulimu, kacwalo A konka ka Yena anosi, ka Yena kasibili. Amen! Ku konka ka yena Kasibili kuli Na ka paka buitamo boo. Amen. Oh! Whew! Akonka ka zona, kuli Na ka “buluka Peu ya Abrahama.” Peu ya Abrahama ki sikamañi ku Bamacaba? Kolobezo ya Moya o Kenile, yona Peu ya Abrahama. Na konkile ka Yena muñi ali, “Ni ka ba zusa, mañi ni mañi, baka zuha. Ni ka bafa Bupilo Bobusafeli ni ku ba beya mwa lifasi.” Se lu lukela ku holo-... ka kunahana ka sona?

¹⁹⁷ Kacwalo lwa Mu bona mwa sikwenda sa mubala wa butala, mubala wa bufubelu. Ona mubala wa butala wo, mubala wa butala uyemelañi? Bupilo. Butala ki butala nako kaufela, kamita buina butala ona cwalo, ki bupilo. Si talusa sikamañi? Zeo Mulimu a sepe size, sina ha Na ikonkile kwa mulaho kwa Genese kwani, kuli Na “si ke...” (Kubeya nambwamatalati mwa mbyumbiyulu.) kuli Asike “a sinya lifasi le ka mezi.” Hape unga buitamo bwa Hae ni kukonka ka Yena anosi kuli Peu kaufela ya Abrahama Uka i zuha, mi lifasi le lika yema mwa katulo ye sabisa. Likatulo ze lukena ku zona fa lituto ze lu nani ze taha, lika mi bonisa ko lifasi le lika tokola ni ku fetuha kuba sileze sa macwe sesicisa, ni ku pazauha mwa liemba emba, ni kufetauha ni lika kaufela. Kono Akonka ka Yena anosi kuli Hana ku li sinya, kono Uka li lukisa hande hape ni kubeya bana ba Hae mwa lifasi kwa Mileniamu yani. Oh, mawi!

Ni libelezi kutaha kwa Lizazi la tabo ya mileniamu,
 Foo Mulena luna ya fuyozwi ha ka taha ku to ngela Munyaliwa wa Hae ya libelela;
 Oh! Pilu yaka ya lakaza, i lilela lizazi lelinde lani la tukuluho yende,
 Foo Mupulusi waluna ha ka kuta mwa lifasi hape.

¹⁹⁸ Oh, mo lunyolezwi kubona Lizazi lani, Na sepe size Mileniamu yetuna kuli ika taha. Mi taba yeñwi, libaka la Na potolohilwe, Ki Mulimu ya buluka buitamo. Uka buluka buitamo bwa Hae!

¹⁹⁹ Cwale ha lungeni timana yetatama, nihakuli cwalo. Mawi, lu bata kunga iliñwi hape, mi luna ni fela mizuzu yelishumi, ye lishumi ni yeketalizoho ya kueza cwalo. Kana mu katezi hahulu? Mu bata kuzwelapili? [Kopano ili, “Amen.”—Mu.] Ku lukile, ha lungeni timana ya 4:

Mi kupotoloha lubona nekuna ni lipula ze mashumi amabeli ka ze ne: mi fa lipula zeo Na bona babahulu baba mashumi amabeli ni babane ba ba inzi, baba apezi liapalo ze sweu; mi kwa litoho ba apezi likuwani za gauda.

²⁰⁰ Halukoni kufita mwa timana yeo kaufela. Kihande, halu kaliseni. Timana ya 4, mutualime cwale, Joani ha Mu bona, mubala wa emerodi wani bukaufi ku Yena, luna ni mibala kaufela, nambwamatalati, ni zeñwi cwalo, ni zeo nelili zona kaufela. Cwale, fa timana ya 4, taba yapili ya bulela fa, fa timana ya 4-...

Mi kupotoloha lubona...

²⁰¹ Mutualime! Ki siswaniso sesinde hahulu fa, musike mwa si mbwinja, “Lubona.”

²⁰² Mwa ziba, ha lu kuteleñi ku Mushe. Mushe... Haluna nako ya ku li kata, kacwalo munge fela ze Ni bulela. Mushe, ha na filwe pono fa Lilundu la Sinai...

²⁰³ Ni bata kuli mulemuhe kuli lo ne si Lubona lwa sishemo ni hanyinyani. Kwani, mali na sa felile, mi sitabelo sa kuta hape mi ba amuhelwa, mi mali na sa zwile fa sipula sa sishemo. Mi cwale ne li sipula sa katulo kakuli mishika ni mamonyi kona fo ne lizwa. Kana ku cwalo?

²⁰⁴ Muhupule, ne kuswana sina Lilundu la Sinai. Fani Mushe hanaile fa Lilundu la Sinai, ki sikamañi sene si ezahalile? Mishika, mamonyi. Mi mane nihaiba komu kamba namani, kamba mutu kaufela, mane nihaiba kuswala lilundu, yacwalo na lukela kushwa. Bibebe ibulezi kuli, "Neli zikinyeho yetuna hahulu kuli mane neba Mushe a saba." Mi Mos-... Ki hali, "Tubula likatulo za hao fa, u inzi fa sibaka se Sikenileile." Joshua yena ndwalume yomutuna, na lukela kusilisa bana ni ku yo ba abela sanda sa bona, ne ku lukela fela kupahama ba sikai fa lilundu.

²⁰⁵ Fa nekuyemi Mushe fani ni mibala ya masuba a Mulimu ni mamonyi ni emerodi bukaufi ni yena, inge a talimela litaelo zani ha li ñolwa. A yemi fapila Kubateni kwa Mulimu, Linzwi lani inge li bulela, "Mushe, u kai? Tubula likatulo za hao, u hatile fa sibaka se Sikenile."

²⁰⁶ Sipula sa katulo, neli cwale, hakuna sene si ka yema kwani kwanda baba liuluzwi. Muezalibi na si ka li atumela ni hanyinyani (ku felile), sipula sa katulo. Ku lukile.

²⁰⁷ Cwale, Mushe na ezize lika mwa lifasi, na yahile tabernakele, sina lika za na boni mwa Lihalimu. Lwa ziba cwalo, nji cwani? Lu fumana Paulusi na ezize nto yeswana. Iswanela kuba... Maheberu 9:23, kuli Mushe na ezize lika zeswana sina za ezize. Mi Paulusi mwa pono ya hae ha na ile mwa Lihalimu (fani ha na lutile Buka yetuna ya Maheberu yani), na lukela kubona mwa pono ya hae ona taba yeswana yana boni Mushe, kakuli na bulezi cwalo (na lutile Buka yende ya Maheberu), kuli mane Bukreste neli siswaniso sesituna se si shutana kwa Testamente ya Kale. Nali muluti yomutuna, Mu-... Paulusi nali cwalo. Cwale, lwani neli Lubona lwa Hae nako *yani*. Mi cwale mwa...

²⁰⁸ Halu ezeni fela... Hakuna tuso, Hani koni... Ne ni ka fitelela taba ye, kono Hani koni fela kueza cwalo. Limati liinzi kai? Kana mu li kutisize? Kana likutile, Doc? Kihande, mwendi Ni ka mi bonisa kuzwa fa. Ni—Ni... Cwale, munge lipotoloto za mina ni pampili, kakuli Ni bata kubulela nto yeñwi fa. Ne—Ne ni inzi kakusasana nto yeiñwi ha i taha kuna. Cwale Ni ka mi bulelela sene Ni ezize, haiba mu lemuha, I swanisizwe kwa mulaho kafa. Mwabona? Ne ni swanisize mo Moya no ni fela sona, mwabona, na si swanisa fa mo ne si kabela. Kono Ni—Ni bata kubulela nto yeñwi fa.

²⁰⁹ Cwale, Mulimu, ha Sa filwe lubna, kona Akaba Muatuli nako yeo. Kana ku cwalo? Kana muatuli u atula lili? Ha taha fa sipula sa hae sa katulo, sa lubona. Cwale, Ni bata kuli mutualime Testamente ya Kale mo ne i ezelizwe, libaka zetaha kwa Lubona lwa Hae mo ne liezelizwe, ni ka mo Joani nalibonezi fa. Haluna kufita ku zona kakusasana cwana, kaufela zona. Kono ka mwa na bonezi Joani likuta zeswana za muzamao ku Yena, ni mwa kukenela kwa likuta za Hae mo ne kuinezi. Cwale, oh, Na lata cwalo.

²¹⁰ Cwale, mwa Testamente ya Kale, nekuna ni sene si bizwa kuli “kopano,” kone ku kopanela sicaba. Taba yapili, ba si ka taha kale mwahali, kopano, ku to kena mwateni, neba na ni kutaha mwataswa mali a suluhile, likuta za kwande. Pili neba taha kwa mezi a kauhano, ko sitole se si fubelu ne si bulaelwa ni kuhasiwa mezi a kauhano. Yani ki muezalibi ya tahanga ku to teeleza Linzwi.

²¹¹ Cwalo kona muluti yomutuna wa Sijuda yo natisezwa ku Mulena, ani utwa ha ni kutaza ka zona mwa...Tulsa. Kwa Tulsa, neli kona. Ne luli kwani kwa Tulsa, Oklahoma. Mi yena ataha kwani, nea yemi fela inza teeleza. Mi ki ha ya hasamulaho wa sebelezo, mi ali, “Na ziba!” Ali...Ki alimuñwi wa baluti baba sebene ba baipitezi ba lifasi. Mi ki ha taha kwani, ali, “Ni bata kubona seo ba Pisinisi ya Sikreste bani...Baba biza kuli, ‘Mapentekota.’ Ni bata kuya kwateni, niinefafasi, niteeleze.”

²¹² Mi cwale Mulena ha ni bulelela kukutaza ka za sitabelo sa sitole se si fubelu sani, kasamulaho wa sebelezo a kopana ni mizwale babañwi kwa mulaho kwani, ali, “Ni bata ku kopana ni muuna yani. Ni ziba kuli mane haana neba tuto kono...” Ali, “Ni muluti wa Sijuda ya ziba litaba zani kaufela zeshutana ni lika ze cwalo mo li tahela,” ali, “Nali kuba nibone seo mwa bupilo bwaka kaufela.” Ali, “Nali kuba ni libone fateni.”

²¹³ Mi cwale ki muluti wa Pentekota, ya talizwe ka Moya o Kenile, uya kai ni kai, inza kutaza Evangel. “Muluti wa pentekota,” kona mwa ipizeza iliyena. Na ile kwa Washington Youree Hotel, zazi leliñwi ha lu kopana hamoho kwani ku Muzwale Jack, mi kalibe a mu ziba, ki hali, “Muluti,” ki hali, “luna ni sibaka sesinde sa hao, kono” ali, “haluna mazimumwangala ni kwani.”

²¹⁴ Ki hali, “Lika zani ki ‘maswaniso akwa lihele,’ li nepele fande! Hani lati kuli bateni mwani, nihakuli cwalo; iteni mwani, Ni ka mi kasheza kwande.”

Musali ali, “Muluti!”

Ki hali, “Ni muluti wa Pentekota.” Haleluya!

²¹⁵ Ali, “Cwale, ha u ya kwa Israel, Muzwale Branham, Ni bata kuya ni wena.” Ali, “Lwakona ku i isa kwa sicaba sa hesu.”

²¹⁶ Se nili, “Isiñi cwale, Muluti, isiñi cwale. Isiñi cwale, nako ha i si ka kwana kale, libelela hanyinyani.”

²¹⁷ Cwale, mulemuhe libaka ze kenile ze. Cwale, ha mu taha kwa libaka za lmapatelo, za makalelo neli zona, likuta za kwande. Nto yetatama neli aletare, kone ku fiwa litabelo, aletare ya sipi. Mi kwande aletare ya sipi, nekuna ni lisila lene li lepelela fa lene li kena mwa sibaka se si Kenile hahulu; mwahali mwani nekuna ni sipula sa sishemo, mwateri nekuna ni Makerubimi. Sani kona se Ni bata kufita teñi mwa tuto yaluna yetatama, Likerubimi zani ze ne kwahela sipula sa sishemo. Oh, mawi! Na...Lwakona kuina fela kweli mutumbi fateni foo, mwabona, ku yona Kerubimi yani.

²¹⁸ Cwale, cwale mulemuhe hane ba kena mwahali. Kopano ne i taha *mwateri*; baprisita ne ba ka yema *fa*; kono neli fela muprisita yomutuna yana kenanga *mwateri*, hañwi ka mwaha, inza lwezi mali.

²¹⁹ Mi na tapala ka nzila yeñwi, sapalo sesiñwi; sene sina ni mulangu ni litolwana zeñwi, ye ku yeñwi ni yeñwi. Mi ha na zamaya, nana ni ku zamaya ka nzila yeñwi. Ha na zamaya cwalo, neilila kuli, “Uyakenile, uyakenile, uyakenile, wena Mulena. Uyakenile, uyakenile, uyakenile, wena Mulena,” milangu yani ni litolwana zeñwi za pomegraneti hamoho, “Uyakenile, uyakenile, uyakenile!” Kiñi? Na atumela Mulimu, inza sweli mali a bulikani mwa lizoho la hae, inza ya fapila Hae, a lwezi mali cwalo.

²²⁰ Ali yatozizwe (Oh, mawi!) ka sende yeñwi. Liapalo za hae ne li lukiswa ka lizoho la Moya o Kenile, ili kuswala mazoho a hae kulukisa libyana za hae. Palisa ya Sharoni, oli ya tozo, ne i seliwa fa toho ya hae, ne i ngonga kwa mulelu wa hae kaufela ni kutahafafasi mwa sibaka sa hae ka sende ya bulena yani; mi litolwana ze fubelu ni mulangu; alwezi mali a ngunyana yesina mulatu; mi na sa lukelu kunyamatala kutisa lisila lani fande, na ka shwela ona fani, fa na yemi. Kacwalo nana ni kuya, inza zamaya ka mukwa omuñwi, “Uyakenile, uyakenile, uyakenile, wena Mulena. Uyakenile, uyakenile, uyakenile,” (ku atumela Mulimu) “ku Mulena. Uyakenile, uyakenile, uyakenile!”

²²¹ Mi aya kwani ku yo fa mali fa sipula sa sishemo, hañwi ka mwaha. Mi ha na li mwahali mwani, nana ni litohonolo la kubona Kanya ya Shekina; mi Siita sa Mulilo, Liseli le lifubelu lene li tulukafafasi, lene li zamaisize bana kuzwa mwa Isilaele. Mane la tala musi mwa tempele kuli hakuna yana I bona. Kanya ya Mulena ya wa kufitela i tala fela musi. Mi Ataha mwahali yena Kasibili, aya kwa mulaho wa lisila mi ayoina fa sipula sa sishemo mwa sibaka se si kenile Kufitisisa. “Sibaka se si Kenile hahulu,” si bizwa, se Sikenile luli ka kukena. Mi nana ni kuapala ka nzila yeñwi, a zamaya ka nzila yeñwi, a toziwe ka nzila yeñwi. Nali mutu ya ipitezi kuli akene mwani. Ka mo kopano ne ilukela ku mu mizeza mati!

²²² Kono cwale Jesu hana shwile, lisila la tempele la pazuha. Ha ki muprisita fela yomutuna, kono “yo kaufela ya lata” kaufela wakona kuba ni tozo yeswana ya Kanya ya Shekina ni ku zamaya bupilo bo bu kenile, “Uyakenile, uyakenile, uyakenile, wena Mulena,” ni kutalima fa Pila Kubateni kwa Mulimu, ka Mali a Jesu Kreste fa pila hae. Kuatumela ka manzwi akuli: “Mulena Jesu, fa kuna ni muuna ya kula, ki muzwale waka. U lobezi fa mumbeta wa lifu cwale, kuli ashwe. Na Ku atumela, ‘Uyakenile, uyakenile, uyakenile, wena Mulena.’”

“Kiza sikamañi?”

“Sina muprisita yomutuna.”

“Kiza sikamañi?”

“Bakeñisa muzwale waka. ‘Uyakenile, uyakenile, uyakenile, wena Mulena.’”

²²³ Ki fo he cwale! Muzamao wa hao ka zazi, kabulelelo ka hao zazi ni zazi, muezezo wa hao ka zazi, pilu ya hao, moyo wa hao, ni zeo kaufela, “Uyakenile, uyakenile, uyakenile, wena Mulena.” Hakuna mumela wa nyoko, hakuna sika kaufela, “Uyakenile, uyakenile, uyakenile, wena Mulena. Uyakenile, uyakenile, uyakenile, wena Mulena,” halunze lu kala kuatumela ka sibaka sa muzwale wa luna. Kaufela ya ka taha, a tozizwe, Mali kwapata a hae, mali a zamaya fapila hae, inza lila kuli “Uyakenile, uyakenile, uyakenile, wena Mulena.”

²²⁴ Cwale, zani neli za kwande, sibaka se si kenile. Ni sibaka se sikenile hahulu kufitisisa, sani neli sibaka sesi kenile sa Mulimu fa lifasi. Mutualime, ne li swanisizwe ku sani sa Lihalimu. Cwale, lu ka kutela hape kwa Liñolo leliswana le. Oh, kaufela luna hanze lu ya mwa Sinulo, lwakona kutaha hande ku to kutela ku se hape. Mwabona?

²²⁵ Cwale yena . . . Joani, kana Joani u yemi kai? Mwa libaka za mapatelo. Ha lu baleñi fela fapata nyana fa kuli mu be ni siswaniso:

*Mi kuzwa mwa lubona ne ku zwa mamonyi . . .
mishika . . . manzwi: mi nekuna ni malambi a sebene a
mulilo (Mulibelele kufitela lu fita ku zeo!) ye tuka fapila
lubona, ili Mioya ye sebene ya Mulimu.*

²²⁶ Ku monyeha Liseli la Mulimu mwa Keleke, kuzwa fela fa Lubona lwa Mulimu, isiñi ka sikolo sa za bulapeli, isiñi ka bishopu yomuñwi, kono kuzwa fa Lubona lwa Mulimu, ka sinulo ya mata a zuho ya Hae, ku Mu eza kuba ya swana maabani ni kuyakuile; linaleli ze sebene zani inge liyemi fani li monyeha Liseli lani, ili Liseli la Shekina, kuzwa kwa Kanya ya Shekina kuzwa ku za Kukena ko ku kenile. Malambi a sebene atuka mulilo, ainzi fahalimwa likandela zeo, ku monyeha Liseli la Hae, mibala ya Hae, ka mata a Hae a zuho ya Hae, kukena mwa Keleke. Amen! Hmm!

*Mi fapila lubona . . . nekuna ni nuka ya siiponi swana
inge licwe lelibenya: mi mwahala lubona, ni kupotoloha
lubona, nekuna ni libupiwa zene ze na ni meto kwa
mulaho ni kwapata.*

²²⁷ Mi u zwelapili kukala kufa se . . . libatana ze, ki nto yeswana ya na boni Ezekiele; balibeleli bani . . . alimuñwi inge mutu, alimuñwi inge tau, mi yomuñwi inge mbande. Neli sikamañi sani? Cwale, mutualime, ha litisa ni ku bonisa Tau ya Lusika lwa Juda ni bani kaufela baba shutana kuzwa mwa masika a bona, bene baina fa mamota amane, mi ne ba sweli kutokomela sipula sa sishemo se. Oh, ha ki siswaniso ni seo! Oh, Na fela . . . Kuna ni mazazi amatuna kwapili.

²²⁸ Ka mo lu libonezi, cwale, lwani neli Lubona lwa Mulimu mwa Lihalimu, Mushe na Iswanisize swanisisa fa lifasi, neli Lubona lwa Mulimu kakuli sipula sa Hae sa katulo ne si bonahalile fa lifasi fa mwa Moya o kenile. Mulimu . . . Isilaele kaufela na tile kwa sibaka silisiñwi seo ku to fumana sishemo, kakuli Mulimu na kopani fela mwataswa mali a suluhile.

²²⁹ Cwale, muteeleze hande. Mi Kanya ya Shekina ya nanuha mwa sipula sa sishemo sani zazi leliñwi, mi Ya yo lula fa Tabernakele yeñwi (Amen!), Ye kwateni, “Ndate ha atuli mutu kono U beile katulo kaufela ku Mwana.” Sipula sa Katulo sa Mulimu. Whew! “Mu bulela ka ku Ni lwanisa, li ka mi swalelwa,” kubulela nto yeñwi—yeñwi ka Otaha, Sipula sesiñwi sa Sishemo. “Ha ubulela . . . ha u bulela ka ku lwanisa Mwana mutu, Ni ka ku swalela; kono zazi leliñwi Moya o Kenile uka to pila mwa lipilu za sicaba, linzwi li liliñwi la ku Li lwanisa halina ku swalelwa.”

²³⁰ Li ekezeha hahulu kuba butuna ni butuna ka bumaswe nako kaufela, ki katulo, kakuli Mulimu u zwelapili kufelwelwa ki pilutelele ya Hae, ulika ku bizeza baezalibi kutaha ku Yena ku to kutisana lipilu. Pili, Nali mwa lihalimu inza monyeha mwahala linaleli. Ya bubeli, Nali mwa lifasi inza benya mwa Kanya ya Shekina. Se sitatama, Ataha mi a ezwa nama mi a to yaha ku luna, a sa apezi tibelelo ya Hae. Mi ki Ha liulula mutu ka Mali a Hae, ataha mwa Keleke ya Hae mwa mufuta wa Moya o Kenile, mi kubulela ka kulwanisa Sani ki sika se si felile, se si ezizwe.

²³¹ Cwale mwakona kubona ko ku taha zikinyeho. Koo nako, ha ba i lemuhi. Batu habakoni ku utwisia seo Li talusa.

²³² Cwale, Lubona lwa pili ne luli mwa Lihalimu, sipula sa katulo. Lubona lwa bubeli ne luli ku Kreste. Lubona lwa bulalu lu ku mutu.

²³³ Cwale, ha lu boneñi ni nge nto yenyinyani ye Ni swanisize fa. Lu ka eza . . . Ni lakaza kuli kambe Ni na ni limati lelinsu, kuli Ni li bonise ku mina hande. Lu ka bonisa ni kunga libaka za likuta, ku lieza fela kuba mwa sikhenda, kamba sina cwana, iliñwi ya zona. Cwale lu ka nga . . . Na lumela, inge *cwana* mwendi ikona kuba yende, lu ka nga ni kueza likutalima fa mapatelo ani.

²³⁴ Cwale, mutu ki sikamañi? Ki sibupiwa sa bulalu; mubili, moyo, ni moya. Ki ba bakai baba ziba cwalo? Mutualime mubonelo wa Mulimu. Pilu ya hae i cwani? Mu hupule liñusa la ka, *Mulimu Na ketile Pilu ya Mutu kuba Tawala ya Hae ye Zamaisa?* Diabulosi na ketile toho ya hae kuba tawala ya hae ye zamaisa; mwabona, u mu eza kubona lika, kutilima kufitela mwa meto a hae. Kono ku zeo... Mulimu mwa pilu ya hae u mukonisa kulumela lika za sa boni. Kana Na ezize cwalo? Mwabona, Mulimu u mwa pilu ya hae, mwa pilu ya mutu kona mokupila Lubona lwa Mulimu. Mwa utwa nji? Mutu! Mulimu na ezize Lubona lwa Hae mwa pilu ya mutu.

²³⁵ Cwale, mutualime. Kalulo yapili ya mutu ki sikamañi? Kalulo yapili ya mutu ki *mubili*. Kalulo yetatama ki *moyo* wa hae, yeli sibupeho sa moya wa hae se si mu eza kuba mwainezi. Wa sutelela cwale. Cwale, kalulo ya bulalu ya mutu ki *moya* wa hae, mi moya wa hae u inzi mwahala pilu ya hae, mi mwahali a pilu kona mo Mulimu ataha ni kubeya Lubona.

²³⁶ Mwa hupula, cwanoñu nyana, mitende—mitende ne ifile mwa Chicago mwendi myaha yemine kwa mulaho, fani mulumeli wa kale... ya sa lumeli, nitaluse, ya na bulelanga kuli Mulimu na ezize mafosisa ka Solomoni ha Na bulezi kuli, “Sina mutu ha nahana mwa pilu ya hae.” Ali, “Hakuna ngana yekona ku kunahana mwa pilu. Ukona kunahana cwani ka pilu ya hae? Una ni ku... Na talusa toho ya hae.”

²³⁷ Kambe Mulimu na talusa toho ya hae, Na ka bulela kuli, “toho ya hae.”

²³⁸ Sina Mushe, kucwani kambe Mushe... Mulimu na ka bulela kuli, “Mushe, tubula likatulo za hao, u inzi fa mubu o Kenile”; ki hali, “Kihande, kiñi ha Ni sa tubuli fela kuwani yaka, zani ki zende fela zaswana”? Na bulezi, “makatulo.” Na si ka bulela kuli, “kuwani,” naize, “makatulo.”

²³⁹ Mi cwale ha Na ize, “Mubake, mi mu kolobezwe ka Libizo la Jesu Kreste,” Na sa talusi kuli “Ndate, Mwana, ni Moya o Kenile.” Na talusa fela sa Na bulezi.

²⁴⁰ Fani ha Na ize, “Mu *lukela* kupepwa sinca,” Na si ka bulela kuli, “Hakulata mwendi mu *lukela* kuba cwalo.”

²⁴¹ Ki hali, “Lisupo ze li ka ba *latelela* baba lumela,” Na si ka bulela kuli, “*Mwendi* li ka ba cwalo.”

²⁴² U bulela Sa talusa! Mi Yena ki Mulimu mi Hakoni ku talusa nto Yeñwi. Wa ziba ze petehile kacwalo U Li eza ka nzila yeo, mi cwalo kona Mwa—Mwa Li batela kuba cwalo. Mi muna ni kutaha ku Zeo. Isiñi kuli Yena atahé kwa munahano wa hao, una ni kutaha kwa Mulelo wa Hae. Yeo kona shutano.

²⁴³ Cwale, cwale, fa mulao wa mubili wo, moyo... Cwale, haiba mu ka nga linzwi leo *moyo* ni ku li batisisa, li ka mi bulelela

mwa—mwa buka ya litaluso za manzwi a Bibele kamba Webster, ifi ya zona kaufela, ki “sibupeho sa moya.”

²⁴⁴ Cwale, ki yo fa muuna, lu bulele kuli, *ki yo fa* John Doe. Ku lukile, John Doe. *Mi ki yo fa* Sam Doe. Ku lukile. Cwale, John Doe ki mutu, mubili, ki muzwale wa Sam Doe. Cwale, Joani ki moya, moyo, mubili; mi Sam Doe ki nto yeswana (mubili, moyo, moya) sina yena hali cwalo, mubili, moyo, moya. Cwale, muuna yo *ki ya* maswe, ki mutimani, wa puma, wa uzwa, ki lihata, ki soozwa, sika kaufela se si maswe sa kona kueza; kono muuna *yo* utezi lilato, kozo, tabo. Sibeli sa bona bana ni moyo, mubili, ni moya. Kihande, ki shutano mañi? Muuna *yo* wa kona kukuta ni kubulela kuli, “Ni hupula boma, Ni hupula lika ze ne lu ezize hane lu sali bashimani”; sibeli sa bona ba kona. Sibeli sa bona bana ni mioya, sibeli sa bona bana ni mioya, sibeli sa bona bana ni mubili.

²⁴⁵ Kono sibupeho sa moya wa mutu *yo* *ki* se si maswe; sibupeho sa moya wa mutu *yo* ki sesinde. Mwabona? Kacwalo sibupeho sa moya ki moyo wa mutu. Mwabona? Kacwalo, cwale, Mulimu ulika kukena mwa sikamañi? Moya ni pilu ya mutu. Ko ku inzi moya mwa pilu.

²⁴⁶ Mwa ziba, mi sayansi iize (sina ha Ni si ka feza kale zeo), muuna yani na sa nahani ka pilu ya hae. Mi sayansi ikala ku batisia kuli kuna ni kalulo nyana mwa pilu ya mutu (isiñi mwa pilu ya folofolo, kono mwa pilu ya mutu), hakuna nihaiba selu ya mali, kamba sika kaufela. Se bali, “Ilukela kuba sibaka ko ku lukela kuba moyo, kamba moyo.” Mu ba tuhele fela—mu ba tuhele fela ona cwalo, ba ka ikungela lika za bukuba za bona ni kubonisa Mulimu. Yeo ki niti. Mulimu uezanga fela kuli ze bonahala butanya lipake ka Yena.

²⁴⁷ Cwale, ki zeo foo, litaba zetuna za toho mwa mutende. Musizana nyana wa Muzwale Boze naize, “Muzwale Branham, wa ziba so no bulela zazi leliñwi?” Ali, “Talima, talima, sayansi se i fumani kale zeo.”

²⁴⁸ Ali, “Kihande, kufuyolwe Mulimu! Ni bata cwalo, kezeli, Ni bata—Ni bata cwalo.”

²⁴⁹ Moyo wa mutu kona sibupeho sa moya, mi moyo upila mwa pilu ya mutu.

²⁵⁰ Cwale, cwale, likuta za kwande ki sikamañi? Yeo ki nama. Mwabona? Yeo kona nto yapili ye mutaha kuyona, ki nama. Mu lukela ku ca seo pili. Mu swanelia kutaha, kufitelela nama. “Ha—Ha ni ikutwi kubata kamb kuya kwa keleke, mikwakwa i nani sileze. Ni—Ni... Kwa cisa hahulu. Oh, keleke, Ha ni zibi.” Yani ki nama. Ku lukile. Cwale, mu lukela kuikataza ni kukena ku zona, Mulimu una ni kufita ku zona.

²⁵¹ Nako yetatama Ha taha, Una ni kutaha mwa moyo, sani kona sibupeho sateni. “Oh, ki sikamañi se ba ka bulela baha Jones ka na? Oh, mawi! Mwa ziba, keleke yaka ika ni lahela kwande haiba

Ni—haiba Ni eza nto ye cwalo. Mwabona?” Kono mu lukela ku zamaya ku zona.

²⁵² Mi ha u kena ku zeo, kipeto Ukena mwa pilu mi mwani kona Mwa toma lubona lwa Hae. Wani kona Moya o Kenile ku mina. Jesu naize, “Ku kaba hande kuli licwe tuna li tamelelwe mwa mulala wa hao kuli ulatelwe mwa buliba bwa liwate, kufita neba ku lyanganisa alimuñwi wa babanyinyani bani baba lumela ku Na.” Isiñi ku ba eza bumaswe ni bobukana; nihaiba ku ba pukutisa fela ka bumaswe, ku ba filikanya fela ka nto yeñwi. Ne kukaba hande kuli wena u latelwe mwa mezi a buliba, kusi cwalo no sa lukeli neba kupepwa mwa lifasi, kufita nihaiba kufoseza mulatu yomukana wabona. Kana Na talusa cwalo? Kana Na ka bulela buhata? Kana baapositola ne ba bulezi cwalo nji? Batili, batili. Jesu ki yena ya na Li bulezi! Jesu naize, “Haiba mu ka foseza alimuñwi wa bona, bona baba nyinyani baba lumela ku Na.”

“Lisupo ze li ka ba latelela baba lumela!”

²⁵³ Mutu yomuñwi yomutuna, uli, “Oh, Na lumela ku Yena! Haleluya!”

²⁵⁴ “Kana mukile mwa bulela ka malimi, kutoloka malimi, kuleleka mioya, lipono, ni zeñwi cwalo, sina mwa Na sepiselize?”

“Batili, zazi leo lifelile.” Ha ki mulumeli, ki ya likanyisa mulumeli fela.

²⁵⁵ Jesu naize, manzwi a mafelelezo Na ize kuli, “Lisupo ze li ka latelela baba lumela, kukena mwa lifasi kaufela ni kwa sibupiwa kaufela.” Yeo ki niti. “Li ka latelela mulumeli kufitela Ni kuta.” Ani kona Manzwi a mafelelezo a Na bulezi. Ki babakai baba ziba cwalo? Bibebe, Mareka 16.

Cwale, mwabona, ki mulumeli ya ikankabeka fela.

²⁵⁶ Kono cwale ha mu fumana mulumeli ya lumela luli, ni lisupo ze latelela, mi mubona kuishuwa kwa bupilo bwa bona, isiñi mulikanyisi fela, muzibe kuli ki Mukreste, ki sibiana sa niti, se si swanela, muzwelepili ku kutumana cwalo. Sika se mulukela kueza, ki kukopana hamoho ni bona, kukala ku zamaeleta hamoho, kakuli musweli kuya mwa nzila yekambama ya Mulena.

²⁵⁷ Cwale, ki sikamañi se si ezahala? Mutualime se. Likuta za kwa Kwande: neli lusika lwa Luther, halunze lu kala mwa Mubili wa Keleke ya Bamacaba.

²⁵⁸ Mwa hupula, neli Majuda mane konji ka nako ya—ya A.D. 606 ha i taha mwa Tiyatira, neli bukaufi bwa baba fetuhezi kwa bupilo ba Sijuda kaufela. Kono kasamulaho wa Majuda, ya wela mwateni ka nako ya Majuda ni Bamacaba (kono ki Mujuda ya kwanile hande sihulu). Kono cwale ha litaha taha kwa lusika lwa Bamacaba, kwa taha neku le, mwabona, kwa taha Martin Luther, John Wesley, ni babañwi cwalo. Mwabona?

²⁵⁹ Cwale, mutualime zetalu za mafelelezo ze kasamulaho wa Lusika lwa Lififi lwani, kutaha kwa Lusika lwa Fahali ni kufitelela. Ha li taha, mutualime likuta zee. Mwabona: nama, moyo, moya. Mwabona? Ona likuta zani, nama. Sibaka se si kenile: ba Nazarene, Pilgrim Holiness, Free Methodist. Mwabona? Mi cwale Kukena ko ku fitisisa: kukutela kwa Pentekota, ko ne li kalezi kwa simuluho, mwabona, kukutela kwa simuluho.

²⁶⁰ Cwale, haiba musweli mwa li swanisa, Ni bata ku li ñola. Cwale, kuna ni minyako ye ketalizoho ye kena mwa nama, ye zamaisa nama. Mwa ziba cwalo. Nji cwani? Ani kona maikuto a ketalizoho. Ki maikuto amakai a zamaisa mubili? Ketalizoho: kubona, kulwaza, kuswala, kununkelela, kuutwa. Kana ku cwalo? Yani ki nama, libaka za kwande, zeo kona lika ze mu sa koni kuitinga ku zona kakuli ki nama.

²⁶¹ Libaka za mwahali he, luna ni libaka za mwahali, ili aletare yetatama. Mi kalulo yetatama ya taha mwateni, mi i taha ni—ni lizwalo, kunahaniseza, likupuzo, maikuto a lilato, ni kutasezwa ka maikuto. Ani kona maikuto a ketalizoho a zamaisa libaka za mwahali. Woo kona moyo. Maikuto a kutasezwa ka maikuto, woo kona moyo, lilato, ni zeñwi cwalo. Mi cwale nto yetatama mwa muluti wa zona mwahali mo, ku kaba likupuzo, ni lizwalo, ni sishemo, ni zeñwi cwalo, ni—ni—ni minahano. Muine felafafasi ni kunahana lika, ki sikamañi se mueza? Ha u ezi zeo mwa nama ya hao, maikuto a hao a minahano. Ki kuta ya mwahali ku wena.

²⁶² Ina ni minyako yemilalu. Ki sikamañi se lueza? Lwa ikaba cwale, musike mwa Si mbwnja. Kuzwa mwa nama, maikuto a ketalizoho; kutaha ku yetatama, moyo, likbaka za mwahali; kono cwale mutaha mwa pilu. Mwabona?

²⁶³ Cwale, foo kona fo mina ba Pilgrim Holiness babande ni ba Methodist fo ne inezi fa kata la *fani*. Mwabona, mu mwa likuta. Mina ma Lutheran ni babañwi cwalo kwa mulaho mwa nama, kwa mulaho kwani ka maikuto a ketalizoho, seo liito likona kubona ni kupanga. Mwabona?

²⁶⁴ Se kutaha ba Pilgrim Holiness bene bali fela ba Free Methodist, kutaha kwa libaka zetatama ni ku lumela mwa kukena, kakuli ne li bizwa kuli sibaka se si kenile ko ne ku beiwa sitabelo.

²⁶⁵ Kono nako iliñwi ka mwaha ne ku kena muprisita yomutuna mwa sibaka se Sikenile hahulu ya na nyaziwa. Ne kuna ni lusika lwa ba Lutheran; mi kwataha lusika lwa ba Methodist; mi ni lusika *lo*, maseli a Keleke ataha, mane inge mwa milao wa mutu.

²⁶⁶ Konakuli luka—luka kena cwani ku *se*? Cwale, muhupule, nekuna ni lisila, lisila le li lepelela mwahala sibaka se si kenile ni se Sikenile kufitisisa. Mwa sibaka se si kenile hahulu mo Kreste ataha kuto ina fa lubona lwa pilu ya hao, Kreste ubeiwa fa lubona. Utaha ka kubeiwa ya lukile (Kana ku cwalo?);

kukeniswa; "Mi cwale ka iliñwi . . ." (mezi . . . ka keleke iliñwi . . . ka tuto iliñwi ya tumelo . . . Batili!) "ka Moya ulimuñwi," kuzwa fa kikuli kaufela luna lu kolobelizwe mwa Mubili ulimuñwi ili Mubili wa Kreste. Ka sikamañi? Moya o Kenile.

²⁶⁷ Ki mañi yataha mwateni? Methodist, Baptist, Presbyterian, Mapentekota, kaufela ya lata. Lisila lani, mwa ziba lisila lani kona le li pata pilu ya mina ku Lona? Kana mu itukisize? Lisila li bizwa kuli "tato ya kuipa." Kana mwa bona siswaniso cwale? Maikuto kwande *kwani*, maikuto a mubili ni maikuto a moyo, ni lisila mwahala sani ni sibaka se si kenile, ili se Sikenile kufitisisa. Mi nzila ye mukona kukena ka yona ki kuba ni tato ya kuipa! "Kakuli yo kaufela . . ." Sikamañi? Yo kaufela ya itumelisa mwa mazoho? Yo kaufela ya nwelisizwe? Yo kaufela ya ka ikopanya kwa keleke? Yo kaufela ya ka tosa liñolo la hae? Yo kaufela yaeza zeo . . . Batili! "Yo kaufela *yalata* u ka taha kwabuse bwa lisila."

²⁶⁸ Mutuhele Kreste atahe kwa maikuto; abulele kuli "Kihande, Ni lukela kueza cwalo. Hani lati kuya kwa lihele, yeo ki nto iliñwi. Ni ka ikopanya kwa keleke." Ku lukile, Lutheran.

²⁶⁹ "Kihande, Ni ka mi bulelela, Ni lumela kuli Ni lukela kupila bupilo bo bu shutana, se Ni kona," kukeniswa kwa kataala. Ku lukile, Methodist.

²⁷⁰ Ku lukile, mi cwale yo kaufela *yalata*, a mu tuhele afitelele lisila. Oh, kanya ibe ku Mulimu! Ni inzi kwa neku leliñwi. Haleluya kwa Libizo la Hae! Oh, mawi! Yo kaufela ya lata, a si pazule, masila a tato ya hae, mi atuhela Mulimu kutaha mwa pilu ya hae. Ki yani Kreste fa sipula sa katulo ya Hae mwa pilu ya mutu! Ki sikamañi se si lukela ku ezahala?

²⁷¹ Mu li, "Ni lukela ku . . . Oh, Na—Na kona kubulela litaba za lishano zesehisia, ha li ni fi mulatu." Kiñi? Habana se Li kona ku nyaza. Hakuna Alimuñwi mwani ya—ya lukela ku li zwisa. Hakuna Yaliteni mwani waku—waku ku atula. "Kihande, Ni ka mi bulelela," basali bali, "Na kona kuba ni milili yemikuswani, ha si ni nyazi." Ki kabakaleo! Mwabona? "Oh, Na kona kutina bukuswani . . . Na kona kueza *se*. Na . . ." Baana bali, "Ha si ni fi mulatu ha ni zuba kwai, mi ha si ni fi mulatu ha ni bapala za—za makadi ni ku kpotolosa kabapaliso," ni kaufela se ba eza. "Ha si ni fi mulatu." Mi ba sa li ba siemba sa keleke, mwabona, "Usike wa ni holofaza kueza *se*." Kiñi? Kiñi? Hakuna sika mwani sa ku ku atula.

²⁷² Kono cwale Kreste ha taha mwateni, u bupile aletare mwa pilu ya hao mi libi za hao li ngilwe ka zazi. Muhalalehi yomutuna Paulusi, ki hali, "Ni shwa kzazi ni zazi. Konohe Na pila, kono isiñi haki *na* yapila ki Kreste yapila ku *na*." Ki leo lisila la mwahali. Oh, muzwale, kezel!

²⁷³ Ka kuakufa, Na ziba . . . Oh, batili, Ni . . . Ha ni koni fela ku li feleleza, Ni fitelezi nako. Ha lu boneñi, fela ni fe fela . . .

Batili, Kihande ni sike na eza cwalo. Mwabona, Ni bata kunga babahulu baba mashumi amabeli ni babane, mi Ni ziba kuli Ni mi bulukile nako yetelele kwa mulalelo wa mina. Lu kaba fela... Ha luboneñi, kuli... Ki ba bakai baba bulela kuli ni nge babahulu ba twenti foo bao? Fela... [Kopano ili, "Amen."—Mu.] Ku lukile, fa muzuzu fela. Ku lukile, fa muzuzu fela. "Babahulu baba mashumi amabeli ka babane," cwale, ha lu ba ngeni kapili cwale, "kupotoloha Lubona, mi nebali twenti... bapotolohile Lubona."

²⁷⁴ Cwale mwa bona kana... Kana Lubona lu kai cwale? Mwa pilu. Mwa pilu ya mañi? Ma membala ba Masika a Likeleke Zesupa, Kreste! "Kubulela linzwi la kulwanisa kezo ya bona, wafiwa mulatu," uka yo ikalabela ka zona mwa Lizazi la Katulo. Mi ki bafi ba ba ka atula lifasi? Ba bakenile ba ka atula lifasi.

²⁷⁵ Ki bafi ba na boni Daniele haba taha ni likitikiti ze mashumi ni likitikiti? Nelii Babakenile. Libuka za apulwa, baezalibi. Buka yeñwi ya apulwa, yeneli Buka ya Bupilo, ili mwalanjo ya lobezi. Oh, mawi, kikuli haba boni zeo? Keleke ye lobezi, bona ba baile ku yo katanyeza Munyali, ne ba tuhelezi Oli kuzwa mwa lambi ya bona; na si ka kena kale ku Se, na si ka lumeleza Kreste kuli abuse lika kuli Akone kubeleka limakazo ni kubulela ka malimi ni kueza ze komokisa ni lika zeñwi kubonisa kuli Na pila mwa Keleke ya Hae.

²⁷⁶ Kucwani kambe Jesu na ka taha mwa lifasi ni kubulela kuli "Kina Jesu, Ni Mwana Mulimu," hakuna sa na ezize, Na ka bulela fela kuli "Ni—Ni ya kwani ku yo ikopanya kwa keleke"? Kana yacwalo nalukela Mwana Mulimu?

²⁷⁷ Ki sikamañi sa Na bulezi? "Ha Ni sa ezi misebezi Ya Ndate, kipeto mu si ke mwa Ni lumela."

²⁷⁸ Oh, mawi! Kana mwa bona? Mulimu wa ipulela Iliyena, U lata cwalo. Ki Jehova. U lata ku itibahazanga Iliyena. Oh, Ni tabile hahulu ka zona. Eeni, sha. U Itibahazlize ku na, Ni ziba kuli Ubile cwalo ni ku mina. Babañwi ba mina batu basanana baba sa zo fetulwa fela, kono ha mu... koni ku Mu ziba mwa mata ni lika zetuna zeo Bakreste baba hulile baeza, kono musweli kutaha ku zona hande. Mu sweli kutaha mwa nzila ye kambama ya Mulena. Musike... Muzwelepili fela kutilima ni kuikataza katata mo mu konela. Mata, mata, mata fela katata mo konela. Musike mwa yemela ze sina tuso, muzwelepili fela kuya.

²⁷⁹ Sina Kezeli Snelling ha na bulelanga kuli:

Na mata, kumata, kumata, Ni ya ni zwelapili
fela;
Kumata, kumata, kumata, Ni ya ni zwelapili
fela;
Kumata, kumata, kumata, mi haukonni kuina
fafasi.

Moyo o shebile wa kale, uteni kwani kacenu.

²⁸⁰ Ku lukile, cwale, mi nekuna ni—nekuna ni mabona mi kuna ni, kuna ni a twenty-... nekuna ni lipula zene ni mashumi amabeli. Cwale, bakaba babakai bani, ki babane ni mashumi amabeli? Twenty fo. Ku lukile:

... *lipula zene ni ze mashumi amabeli: mi fa sipula . . .*
fa lipula ze ne Ni boni babahulu baba mashumi amabeli
ni babane (alimuñwi fa sipula), ba apezi liapalo ze sweu;
mi ba apezi likuwani za bulena kwa litoho.

²⁸¹ Cwale, “babahulu baba mashumi amabeli ni babane.” Ni bata kuli mulemuhe kuli ne ba si Libupiwa za Mangeloi. Mangeloi ha si ka tamahana ni ona, Libupiwa za Lihalimu halina likuwani za bulena ni mabona. Mwabona, ha li swalisani ni ona, ki Mangeloi, na si ka koma. Haiba mu lemuha kasamulaho nyana, lipina ze ne ba opela, ni lika zeñwi, ne li pakile kuli ne ba si cwalo. Mwabona? Ne ba opela pina ya kuliululwa; kacwalo, Mangeloi ha tokwi ku liululwa. Mwabona? Ku lukile. Kono nebali batu baba liuluzwi.

²⁸² Ha ni . . . mina sicaba, Hanina kuba ni nako ya kuswala se. Kono mina ba basweli kuñola, haiba mubata kuziba kuli ne ba liuluzwi baana, munge Mateu 19:28, ku lukile, 19:28, Mateu, Sinulo 3:21, mi munge zeo, Sinulo 20:4, Sinulo 2:10, Pitrosi Wapili 5:2 ni 4, Timotea wa Bubeli 4:8. Seo si ka mi zibisa kuli ba liuluzwi. Ni bata kufita ku zona kakusasana cwana, mwa bona. Mi mwakona fela ku yofita kuzona mwa lisunda, mwa bona. Ne si—ne si Libupiwa za Mangeloi, ne si Libupiwa za Lihalimu, ne li batu baba liuluzwi. Mwabona? Mwakona ku talimela katinelo ka bona, mo ne ba tinezi; mwakona ku talimela fa sibaka sa bona, sene ba nani; mu talime lipina zateni, ze ne ba opela; mi mu kaziba kuli ne si Libupiwa za Mangeloi. Hmm.

²⁸³ Ni toile kutaha ku se, kono ha lu baleñi Liñolo li liliñwi hape. Kana muka eza cwalo? Ku lukile. Ha lu kuteleñi ku Daniele 7, fa nako nyana fela, kwa mulaho kwanu, Daniele 7, ni kubala fela Liñolo fa. Ni bata . . . kacwalo se si ka mi tusa hahulu mwa liñusa kaufela kakusasana cwana. Ni ziba hande kuli si ka—si ka mi utwisa hande ha mu sa bala se ni kubona se, mubone seo Daniele, kauhanyo ya 7 ya Daniele, mi ha lu kaleni cwale kuzwa fa . . . Daniele 7, ha lungeni kauhanyo ya 9- . . . timana ya 9. Cwale, muteeleze hande cwale kwa litaba zee:

Mi . . . Na talimela kufitela hakubewa mabona, cwale
Yomuhulu wa mazazi aina, sapalo sa hae neli se si
sweu sina litwa, yo milili ya kwa toho ya hae neli
yemisweu . . . sina boyo bwa ngu: mi lubona lwa hae ne
lubonahala unge malimi a mulilo, (Mwa bona hape,
mukutele kwa mulilo wa emerodi wani.) mi mawili a
lona naswana sina mulilo o tuka.

Mi . . . nuka ya mulilo ne zwa ku yena: baba eza bolule
ba bolule kwa buñata ne ba mu sebeleza, mi babaeza li

*milyoni za limilyoni (Ki bao Baba liuluzwi ba mina.)
ne ba yemi fapila hae: mi katulo ya tomwa, ni libuka
(libuka, mwa buñata) za apulwa.*

²⁸⁴ Cwale, mulemuhe, katulo ye ne itomilwe. Mwabona? Cwale, mutualime. Daniele, ha bona mabona a katulo, nebali a mukungulu, abona “mabona a nepelwafafasi, a zwa kwa Lihalimu, Yomuhulu wa mazazi a shetumuka kuzwa kwa Lihalimu.” Kono cwale Joani hana li boni, fa Lubona ne se kuinzi kale Jesu, mi mabona a balutiwa ni ma patriareka, baba liuluzwi, na talelelizwe kale. Mwabona? Daniele na li boni myaha ye mianda iketalizoho ku si ka fita kale nako ya Kreste. Mi cwale kasamulaho wa Kreste, iba myaha ye mianda ye mashumi aketalizoho, mi Joani na pila mwa lusika lo lu taha, mi na sa boni kale se kaufela ha si ezahala. Koo, Daniele na si ka libona, (Mwabona?) na boni fela Yomuhulu wa mazazi ha taha; a Mu bona inza taha. Kono cwale Joani ha Mu bona, Lubona lwa tala, mwabona, mabona a latelwafafasi ki Yomuhulu wa mazazi, mi Katulo ya tomiwa. Kono cwale Joani ha Mu bona, ba bahulu ne ba si ka ketiwa mwa nako ya Joani . . . kamba nako ya Daniele, kono ne se ba liuluzwi kale nako ya maungulo . . . ? . . . Oh mawi! Oh, kana ha ki cwalo . . . Kana ha Ki zende zeo nji?

²⁸⁵ Kacwalo, Daniele 7, na . . . ki sikamañi sa na ezize Daniele? Na boni Katulo, abona sibaka sa kuina sili fela mukungulu. Mwabona, na lukela kuba mukungulu. Sina Joani mwa nako ya hae, kasamulaho wa Keleke ye ngilwe, ne li inilwe ki babahulu baba liuluzwi. Hmm.

²⁸⁶ Kana *yomuhulu* u talusa sikamañi? Haiba munga linzwi lelili *yomuhulu*, Nina ni . . . zona zeo kaufela liñozwi fa, Ni tula tula fela kufitelela. *Yomuhulu* italicusa “toho ya muleneñi” kamba “toho ya lusika.” *Yomuhulu*, “toho ya nto yeñwi.” Inge Ni—Ni kaba wa . . . Muzwale Neville fa cwale ki yomuhulu kwa keleke ye. Ki sikamañi sali sona? Ki yena toho ya mubili wa mwa sibaka se. Mwabona? Mi mubusisi wa tolopo kiyena yomuhulu wa muleneñi woo; mwabona, yomuhulu wa mileneñi. Mwa hupula linako za kwa mulaho mwa Bibebe, babahulu ba munzi? *Yomuhulu* italicusa “toho ya muleneñi” kamba “toho ya lusika.”

²⁸⁷ Cwale, neli ba bakai? Mashumi amabeli ni babane, babahulu baba twenty-foo. Kana ku cwalo? Cwale . . . Oh, mawi! Neli mañi yani? Ba apositola baba lishumi ka bababeli ni masika a lishumi ka amabeli a Isilaele, mapatriareka baba lishumi ka bababeli. Ki . . . Cwale, lu ka linga kuisa kwatasi kufitela lutaha mwa lituto zefñwi, ni kubonisa kuli yeo ki niti, kuli mina, Ni tabile kuli musweli mwa ñola cwale. Mwabona? Mapatriareka baba lishumi ka bababeli ni masika a lishumi ka amabeli a Isilaele! Cwale, mutualime. Jesu na bulezzi kuli . . .

²⁸⁸ Pitrosi na buzize zazi leliñwi, ali, “Ki sikamañi se lu ka amuhela? Lu siile ndate, boma, muuna, mufumahali, bana, lika

zeñwi kaufela, lu siile lika kaufela.” Pitrosi ali, “Lu siile basali ba luna, lu siile bana ba luna, lu siile bo ndata luna ni boma, malapa a luna ni masimu, ku latelela Wena.”

²⁸⁹ Ki hali, “Kaniti, niti Ni li ku mina, mu kaina fa mabona a twelufu mu atule masika a twelufu.” Ki fo he cwale, bao ki ba baliuluzwi, ba bahulu ba ba liuluzwi.

²⁹⁰ Mutualime—mutalime Davida hana bonahalisa Kreste. Mwabona? Fani Davida ha na taha fa mubuso, taba yapili, nana ni nako yetata asika kena kale mwa mata. Ibo nana ni tozo fahalimwa hae, ehe, tozo neili ku yena. Mi batu babañata ba hupula kuli “Nali fela mukwenuheli yomunyinyani, mutangana yomunyinyani ya na shutana, yana lika kupazula sika sesiñwi.” Kono kuna ni baana bene ba ziba kuli na taha kwa kuba mulena, baina hande ni yena. Muzwale, Ni talusa kuli no sa koni ku ba zwisa ku yena, hane ba sweli ku zamaya cwalo.

²⁹¹ Zazi leliñwi ayema fani fa lilundu, atalimafafasi ni kubona munzi wa hae, o lateha ha u hapiwa ki sila. Mi ayema fani ni kuhupula inge asali fela mushimani yomunyinyani, na isanga lingu kwande kwani ni ku yo linwisa mezi, neli mezi a niti. (Lu bulezi ka zona kwanu ha ki kale hahulu, *Mezi a Bupilo*.) Mi ki yani fani, “Ahana, Ni bata kunwa ku ona.”

²⁹² Mi takazo ya hae yani neli taelo ku muuna kaufela yanali ni yena. Muzwale, baana bababeli bani ba pamula mikwale ya bona ni kulwana mwahala limaili ze lishumi ni zeketalizoho za Mafilisita, ku ba lemaka kuzwa kwa silyo kuya kwa nzohoto, ku yo mu kela mezi mwa lisima lani. Neba ziba kuli na ka ba mulena ewanoñu. Eeni, sha. Nako yeñwi, alimuñwi wa bona, kuli a mu pilise, atulela mwa musima ni kubulaya tau, yena anosi ona cwalo. Nebali balwani. Mi cwale—cwale ha na tile mwa mata, mwa ziba sa na ezize? Na ezize yufi ni ufi wa bona kuba mubusisi wa muleneñi omuñwi.

²⁹³ Mwabona Kreste foo? “Ya tula uka fiwa ku busa munzi.” Bao ki bakomi! Kacenu ha lu bona kuli Utaha mwa mata, Kreste uka busa mwa lifasi le. Germany, ni United States, mi kaufela yona ina ni kuwa, naha kaufela ina ni kuwa. Mibuso ya lifasi le ifetuhile mibuso ya Mulimu wa luna ni ya Kreste wa Hae, mi Uka busa ni ku i lisa. Yeo ki niti.

²⁹⁴ Lu ziba kuli Utaha mwa mata, kacwalo takazo ya Hae fela ki taelo ku luna! “Ubata kuli ni Mu yemele mwa muleneñi nyana wa Timbuktu ko kusina nihaiba mali a mashumi a ketalizoho a masheleñi, ko kusina sika, kamba sirkwata sa batu baba shebile,” yeo ki takazo. Amen!

²⁹⁵ “Ha u lukeli kuba ni babañata hahulu, ha u lukeli kueza se, ni bata fela kuziba kuli Ubata ku ya.” Amen. Ku felile.

²⁹⁶ “Haiba Ubata kuli ni eze ze shutana, kueza ka kushutana,” sina likezeli ze ni lika zeñwi, “haiba Ubata kuli ni eze sika sesiñwi, kufuyolwe Mulimu, ki litohonolo la kuli ni eze cwalo.”

Ki fo he cwale! Lu ziba kuli Utaha mwa mata, hakuna taba kamba lifasi li bulela sikamañi. "Haiba Ni lukela kubeya kwatuko buima kaufela ni libi ze ni hanelela fakaufi, mutuhele ni mate ka tibelelo takano ye tomilwe fapila ka. Tuhela ni talime ku Mukalisi ni Mufezi wa Tumelo ya luna, Jesu Kreste." Yataha mwa mata!

²⁹⁷ Kuli "babahulu," babahulu baba mashumi amabeli ni babane. Ku lukile. Twelufu...Mwa Sinulo, lu fumana cwana. Mwa Buka ya Sinulo, mwendi mwa kauhanyo ya 21, lu fumana kuli munzi wa Jerusalema no nani mitomo ye lishumi ka yemibeli. Ki niti yeo? Mi no na ni minyako ye lishumi ka yemibeli, yani neli yemilalu kwa maneku kaufela, zene kualiululwa halalu ki twelufu. Ona cwalo fela mone i beezwi tabernakele mwa lihalaupa, kakuli Joani na bulezi ona cwalo mi abona lika zeswana za na boni Mushe ha na li fahalimu fani, kinto yeswana yana boni ni Paulusi.

²⁹⁸ Mi cwale lu lemuha kuli mitomo ye twelufu neli mabizo a baapositola. Mi minyako ye twelufu neina ni libizo la lusika ni lusika fa munyako. Mo lu talimela ku zeo ni kubona babahulu ba twelufu bani, masika a twelufu, ba apositola ba twelufu, mitomo ye lishumi ka yemibeli, minyako ye lishumi ka yemibeli! Oh, mawi! Munge lipalo za Mulimu zeo mi hakuna mo mu ka li mbwinjeza, likaya handende kunata hande ka swanelo kai ni kai ka nako kaufela.

²⁹⁹ Leo kona libaka, mwa bona, luna ni mazazi a silezi a ao lifasi li belekile ku ona, mi se lu sutelezi hahulu bukaufi ni lizazi la busebene le cwale. Myaha ye likiti zepeli za makalelo, Mulimu na sinyize mezi... lifasi ka mezi. Myaha ye likiti zepeli ya bubeli, Kreste ataha. Ye ki 1961, ona fa munyako, fa nako nyana fela. Mi amutalime, Jesu naize, "Cwale, halina kuzamaya kuzwa mwa nzila kaufela," Na ize, "kakuli Ni ka pumela musebezi fahali. Haiba Ni sa ezi cwalo, ndalamiti ya atomic ika sinya nama kaufela. Uh-huh. Ka bakala Baketwa, Ni ka pumela musebezi fahali mwa kuluka. Ku puma kwateni, siemba sa nako." Mwabona, mi kona kutahe myaha ye sikit ya Mileniamu, ona Lizazi lelituna.

³⁰⁰ Keleke ha se i katalize kulwanisa sibi ka myaha ye likiti ze silezi, mi silimo se si kwanisa likiti zesupa ki Mileniamu. Sina Mulimu mwa na ezelize myaha ye likiti ze silezi ya kubupa lifasi, mi silimo sa likiti zesupa A pumula kwa misebezi ya Hae kaufela. Mi Keleke i tundanisa sibi ka myaha ye sikisi sauzande, mi ni haili sa bu sebene sauzande Keleke ya pumula.

³⁰¹ Liapalo ze sweu ze ne li ku ba bahulu kona kuluka kwa Balumeli. *Busweu* bu talusa "kuluka." Mi kakuli ne ba *apesizwe* ka liapalo ne ba bonisa kuli neli "baprisita kamba baatuli," baprisita baba apala, zesweu, baatuli, bapolofita, ni babañwi cwalo; mwabona, sene bali sona. Ne ba apezi zesweu, babahulu

baba mashumi amabeli ni babane. Ku kaba babahulu baba mashumi amabeli ni babane. Ku kaba baba lishumi ka bababeli ba bona mwa masika a lishumi ka amabeli a Isilaele; ba apositola baba lishumi ka bababeli kwa Keleke.

302 Mi baina mwa likuta za Mulena yomutuna. Muhupule, bainzi kwande kwani, *ba* cwalo. Mi ki yo *fa* Munyaliwa ni Kreste bainzi *fa* Lubona lwa Hae, ni Musala Hae inza inzi bukaufi ni Yena, yona Keleke. Babahulu baba mashumi amabeli ni babane . . . Manduna baba handeleti ni fote-foo sauzande ba tempele inge ba Mu sebeleza. Haiba A nanuha, Musala Hae u ya ni Yena. Oh, oh mawi! Mwahala Lusika lolutuna lo lutaha Iwani, foo sibi kaufela ni ze swana sina taku ya libi . . .

303 Miyaho yemituna kaufela, yeminde ye ba lata batu kacenu, masheleñi kaufela ni takazo ni sibi ni basali babande ni baana, ni se balika kueza kaufela ka mibili ya bona, nto yeñwi kamba isili, kuli ibe katwa kuli diabulosi alumé miyo ya bona mwa lihele, ika yunda ni kubola, mi likokwani za mibili li ka ca kufeza. Mi taba yapili, likokwani za mibili . . . kaufela zelili zona li ka kena fela mwa mulilo o ka ciseleza macwe ka buhali bwa ondo ku kutela kwa noto kuba fela mufuse fuse wa—wa macwe a cisa kihona.

304 Kono leliñwi la linako za kakusasana, mulikani, leliñwi la kakusasana, ha se li felile, uka shoshela hape. Masimu ni limela za ona zesweu ni—ni munko omunde uka swalisana ni lituhela za lipalisa kuzwa kwa Kota ya Bupilo, mi Kreste uka kuta kakusasa omuñwi. Mi linyunywani zetuna, maiba, aka ina mwa likota ni kulila, mi hakuna kuba lifu ni maswabi. Kreste ni ba Baliuluzwi ba Hae ba ka kutela mwa lifasi; isiñi batu ba kale, kono banana kuyakuile. Ku sa shwa, lu ka yo yema mwa kuswana kwa Hae, lizazi ni linaleli li ka monyeha hahulu.

Ni tamehile kuya kwa Munzi omunde wani
 Mulena ka u baakanyelize Ba Hae;
 Koo ba Baliuluzwi ba masika kaufela
 Ba ka opela “Kanya!” kupotoloha Lubona
 Lolusweu.
 Linako zeñwi Ni ikutwanga bulutu bakeñisa
 Lihalimu
 Mi kanya ya lihalimu baka ibona:
 Ha ki tabo ni yeo ha Ni bona mupulusi wa ka,
 Mwa Munzi omunde wani wa gauda!

Mo Ni lakaleza ku Mu bona! Oh, Ni batela ku Mu bona!

Ni tamehile kuya kwa Munzi omunde wani.

305 Joani na u boni, fa sooli sa Patmosi, ushetumuka sina Munyaliwa ya apalezi muuna hae. Kanya ya ona ye Ni bata ku bona, zazi leliñwi.

Ni bata ku Mu bona, ni kutilima fa sifateho sa
 Hae,
 Teñi ni opele kamita za sishemo sa Hae se si
 pulusa;
 Mwa mikwakwa ya Kanya ni tumuse kwa
 linzwi;
 Matata a felile, senili kwa hae, ni nyakalale
 kamita.

³⁰⁶ Ku cika nyana ni kutelela mwa mbundu, kucisa nyana ni
 kuikataza kwa lizazi; Ni lakaza kuli musala ka ni Mabel ne ba ka
 taha ku to ni opelela pina yeo, haiba Ni—Ni kona, “Mukatala wa
 musipili haunaku bonahala sesiñwi, ha Ni taha kwa mafelelezo
 a nzila.” Yeo ki niti.

³⁰⁷ Na hupula busihu ha ne Ni zwile mwa keleke ku kalisa
 musebezi wa evangeli, fani kaufela ha mu lila; hakuna ni
 yomukana wa bona ya siyezi, mane, ki babalikani fela ba mina
 mo. Kezeli ni Muzwale Spencer, mi mwendi ni—ni babañwi ba
 kale ba ba siyezi fela, hane ba huwa kwanu. Kono cwale Moya o
 Kenile ha u bulela kuli, “U lukela kuya!”

³⁰⁸ Mi Na hupula mukopano waka wapili ha Ni ma no funduka
 ka likweli, Meda ataha kwa Jonesboro, Becky nali fela mbututu
 yomunyinyani, ataha kwa Cottonbelt ka sitima, ba likelelwa ki
 mazazi nyana kuli bafite kwani. Mi Ne ni yemi kwani ha na
 kena busihu bwani. Lwa lika kuya kwa tuyaho, libima zetalu
 kwahule, mapokola neba tokomela mikwakwa yani sina cwalo.
 Mikwakwa mane ne ifilika fela. Neba, ni isize mwa mikwakwa
 ni moyo no fuka katata kukena mwa sibaka. Meda ali, “Kana ba
 ti lo ku utwa ha u kutaza, Bill?”

³⁰⁹ Se nili, “Batili.” Mi se lu opela kuli:

Ba zwa kwa Upa ni Wiko,
 Bazwa kwa linaha za kwahule,
 Kutoca ni Mulena luna, kuca sina baeñi ba
 Hae;
 Ba fuyozwi cwani batu ba!
 Ba buha pata ya Hae
 Ye benya ka lilato la Bumulimu;
 Ba fuyozwi baci ba muhau wa Hae,
 Sina macwe abenya mwa mushukwe wa Hae.

Oh, Jesu wa taha cwale,
 Miliko ya luna ika fela cwale.
 Oh, kucwani haiba Mulena luna ataha ka nako
 ye
 Ku baba lukuluhile kwa sibi?
 Oh, kana si ka kutiseza tabo nji,
 Kamba maswabi ni sabo yetuna?
 Foo Mulena luna hataha mwa Kanya,
 Lu ka Mu katanyeza mwa mbyumbiyulu.

³¹⁰ Amen! Oh, Na Mu lata! Kana li ka mi tiseza maswabi ni ñalelwa yetuna, kamba li ka mi tiseza tabo? Mi Mulena luna mwa kanya ha ka taha, lu ka Mu katanyeza mwa mbyumbyulu. Ni mihipulo yeo mwa minahano ya luna, halu inamiseñi litoho za luna. Mulena ha lata, Ni ka feleleza sebelezo ye nako yeñwi.

³¹¹ Ndata luna yakwa Lihalimu, oh, ba ka zwa kwa Upa ni Wiko, ba ka zwelela kwa linaha za kwahule. Ni nahana za Kuungelwa kokutuna kwani. Sicaba se Ni kutalize kwa Africa, India, ni kupotoloha lifasi, mo Ni ka bonela lifateho za sona hape. Buñata bwa bona inge ba lila, ba zamaya mwa fulai, ni kuyendamena mwa limota ni kuhuwa ni kulila. Ni nahana ka nako yani hane baile ni Paulusi nako yeñwi, ba kubamafafasi mi ba lapela. Ki hali, “Na sepa hakuna ni yomukana wa mina . . . buñata bwa mina mo hamuna kubona bona sifateho sa ka ni kamuta.”

Kono ba ka zwelela kwa Upa ni Wiko,
 Ba ka zwa kwa linaha za kwahule,
 Kutoca ni Mulena luna, kuca sina baeñi ba
 Hae;
 Ba fuyozwi cwani batu ba!
 Ba buha pata ya Hae ye kutekeha (mwa kanya
 ya emerodi.)
 Ye benya ka Liseli la Bumulimu;

Isiñi fela liseli la lambi kamba liseli la kandela, kono—kono
 Liseli la Bumulimu.

Le li benya ka Liseli la Bumulimu;
 Ba fuyozwi baci ba muhau wa Hae,
 Sina macwe abenya mwa mushukwe wa Hae.

O Mulimu!

Cwale lishala la Mulilo ha li to swala
 mupolofita,
 Ku mu kenisa ka mo ku kona kubela,
 Mi Linzwi la Mulimu lali, “Ki mañi ya ka ya
 ka luna?”
 Mi ki ha alaba ali, “Kina yo, u lume Na.”

³¹² Oh, luma Lingeloi kakusasana cwana, Likerubimi za mafufa a silezi, sina Isaya hana a boni, inza fufa mwa muyaho, inza huwa kuli, “Uyakenile, uyakenile, uyakenile, wena Mulena.” Mi Isaya mupolofita wa mwanana naize, “Ni wa milomo ye masila, mi ni mwahala sicaba se si masila, mi meto aka aboni Kanya ya Mulena.” Misumo ya nyanganyiswa mwa tempele. Mi Lingeloi la nga lishala la fa aletare, ni ku yaka mulilo ku li beya fa milomo ya hae, lali, “Ni kenisa milomo ya hao. Cwale aku polofita, mwana mutu.” Luma Lingeloi kakusasana cwana, Mulena, kenisa milomo ya luna kwa nyoko kaufela. Kenisa lipilu za luna, mi taha mwateni, Mulena. Lobaka tato ya butt. Kuli . . . tuhela tato yaka (ku Wena) ibe Tato ya Hao, Mulena. Oh, Tato ya

Hao ku na, O Mulimu. Mi tuhela kuli na ni keleke ya ka ni sicaba sa hesu lu be ba hao, O Mulena. Lu ipeya ku Wena.

³¹³ Mi sina muloki ha na bulezzi kuli, Ndate:

Bo lule cwale ba mwa sibi ni maswabi mi ba shwa;

Kwani kwa Africa, kwani kwa India, kupotoloha lifasi, likitikiti ka hola, ba Ku katanyeza kusina ku Ku ziba.

Bo lule cwale mwa sibi ni maswabi ba shwa;

Ibo, Mulimu, si pazauala moyo waka mwa liemba emba ha ninahana ka zona.

Utwa sililo sa bona se si butuku ni kutomolisa;
Akufa, muzwale, akufisa piliso ya bona;
Kapili u alabe uli, “Muluti, ki Na yo fa.”

³¹⁴ Lumeleza cwalo, Mulena, lumeleza cwalo hape. Ni ezize mafosisa a mifuta kaufela, Ndate, ka mwaha o felile wo, Ni lapela kuli U ni swalele ka zona. Mi mwa Mwaha Omunca wo, Mulena, ni toze sinca. Tuhela kuli ni ye ku bolule lule baba inzi mwa sibi ni maswabi, ba bashwa, ni baiseze sinulo tuna ye ya Niti ya Hao, kutisa ku bona tozo ya Moya o Kenile; kuli ka lizazi lani ba kone kuzwa kwa Upa ni Wiko, ba benye sina macwe a butokwa mwa Mushukwe wa Hao. Ni tuse, Mulena, kuli ni ye teñi mi ni yo batisisa ni ku kata mwa mubu, liluli la lifasi, masila ni busafa mo ba pila. Mi ba kone kubona Mulimu ya Kenile ya ba kenisa ni kupila sina Bakreste, baba kenisizwe ni baba kenile fapila Hao; bazwe kwa bumaswe kaufela, kuzwa kwa minyaka ya lifasi kaufela, ni ku sikuluhela ku Mulimu yapila, ni kuba eza lindumeleti za Mubuso wa Hao ka lizazi lelituna lani.

³¹⁵ Kenisa keleke nyana ye kakusasana cwana, Mulena. Kenisa mutu kaufela mwahali mo ka Moya wa Hao, mi lumeleza Moya o Kenile utahe mwa lipilu za bona, mañi ni mañi wa luna. Ncaafaza hape Moya oli ku bona baba se-... kwalula lipilu za bona ka kulata kwa bona bañi, ba latuzi tato ya bona mi batile ku to ziba Tato ya Hao.

³¹⁶ Banana bani, Mulena, buñata bwa bona neli fela limbututu zenyinyani. Mo No li cikiseza mwa mazoho a Hao! Me mwa babalelela mbututu wa hae, inza takula mioko kwa meto a bona ni—ni ku bafa lika ze butokwa kakuli wa balata. Cwalo kona mo U latela limbututu za Hao ze pepilwe sinca, Mulena. Habakoni ku zamaya haisali, habakoni nihaiba kubulela. Ze bakona kueza fela ki kulila ni kutalima ku Mama. O Mulimu, ba swale mwa mazoho a Hao, ka bunolo, sina lingu ze nyinyani, ni kuba etelela kufitela ba hula kuli bakone kuzamaya. Mi uba etelele, Mulena, kutaha mwahala linzila za sebelezo. Lumeleza cwalo.

³¹⁷ Lu swalele libi za luna, halunze lu swalela baba lu foselize. Usike wa lu kenya mwa muliko, kono u lu lamulele ku ya maswe.

Kakuli Mubuso ki wa Hao, ni mata, ni kanya, kamita, ka Libizo la Jesu Kreste. Amen.

³¹⁸ Mulimu ami fuyole! Ni sepa kuli Mulena u mi ezelize nto yeñwi kakusasana cwana kuli mu kalise Mwaha o Munca fa taba iliñwi ye, ya kuli mulata Jesu Kreste, mi zazi leliñwi mu bata ku Mu bona ni ku Mu lata ni kupila ni Yena kuyakuile. Ki tato yaka kuli hakuna nihaiba alimuñwi wa mina yaka lateha, kuli mañi ni mañi wa mina uka piliswa ni kutazwa ka Moya o Kenile, ni kubulukiwa kufitela lizazi la Kutaha kwa Hae, kakuli Ni lumela kuli seli fakaufi.

Cwale Ni sikululela sebelezo ku Muzwale Neville.



SINULO, KAUHANYO YABUNE KALULO YA II LOZ61-0101

(Revelation, Chapter Four Part II)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham, neli kutilizwe lwa pili mwa Sikuwa la Sunda kakusasana, Sope 1, 1961, ifi fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org